

MUSUMINYINE

 ...pa ciibidilu tucimanyisha bwà nwamònakù mwà kwikala batwishibwe bwà kuvùluka mwaba wùdici cisanganyibwa. Tudi baswè kubala mu Maataayi, nshapità wa 15 wa Maataayi, kubangila ku mvensà wa 21:

Pashishe Yesù kuumukaye kuntwaku, nè kuyaye mu nseke ya ku Tulò nè Sidonà.

Nenku, mōnaayi nè, mukaji kampandà wa mu Kanānà wākapātukila ku nseke yimwēyimwē ayi, nè wākamwela lubilā nè: wamba nè: Mfwiłēku luse, Éyi Mukalenge, wēwē mwānà wa Davidi; mwanāanyi wa bakaji mmutacishibwe bibi be kudi démon.

Kadi yeye kaakamwandamunakù diyi to. Nenku bayidi bēndē kulwabò nè kumusengelelabò, bamba nè: Mwipātē; bwalu udi utwēla mbilā.

Kadi yeye wākandamuna kwamba nè: Ndi mutumibwe ànu kudi mikòòkò mijimine ya nzubu wa Izalèlā.

Pashishe kulwaye è kumukuukwila, wamba nè: Mukalenge, nkwaçishèku.

Kadi yeye wākandamuna kwamba nè: Kì mbikumbàne bwà kwangata dyāmpà dyā bānà, nè kudyēlela mbwa nānsha.

Kadi kwambaye nè: Bulelèlā, Mukalenge: kadi's tubwà tūtu tūdyā...tusunsukilā tūdi tūmatā ku mēèsā à bāmfumū atu. Pashishe kwambaye...

Pashishe Yesù kwandamuna nè kumwambila nè: Éyi mukaji, diitabuuja dyēbē ndinēne: bikwenzekelē ànu muwikalā wēwē mwā kuswā amu. Ke mwanēndē wa bakaji awu kwondopiibwaye kubangila ànu pa diinē dībā adi.

² Twinyikāayi mitù yetù mpindyewu bwà disambila. Ndi ndikonka, dilòlòlò edi, nè mitù yetù nè myoyi yetù miinyika, kwòkò muntu kaaba aka udi muswè bwà bāmvulùkē mu disambila. Udikù mwà kucimanyisha paùdi wela byanza muulu kudi Nzambi apa anyi? Ambà nè: “Ndi nè dijinga, Mukalenge, ndi ndomba bwà Unkwacishèku.” Mukalenge akubēnēshē.

³ Taatù wetù wa mu Dyulu, patùdi tuseemena mpindyewu pabwipi nè Udi Mutāmbe bunēne apa, mu Dīnà dyā Mukalenge Yesù, bwalu Yēyē mmutwāmbile nè: “Nwēnù balòmbē Taatù cintu kanà cyōnsò mu Dīnà Dyānyi, necifidiibwe.” Tudi tulwa nè diitabuuja dyōnsò ditùdi naadi adi, biikale twitabuuja nè Wēwē neütwāndāmùnē bilondeshile majinga ètù, dilòlòlò edi, bu

mùdiwo àbúngì. Udi umòna byanza byà bânà Bèèbè mu nzùbu mujimà emu, pàdibo beelè byanza byàbò muulu apa. Nè Wèwè nkààyeebè ngudi mumanyè cìvwà mwînshì mwà mwoyi. Ndi ndòmba bwà Ûbândàmùnè, Taatù, dilòòlò edi. Nènku swàkù bwà dijinga dyònsò dídibo naadi, dífidiibwe kùdibo mu ditùkù edi.

4 Tudi tulòmba bwà aba bàdì kabàyi basùngidìibwe nè kabàyi baKumanyè bu Musùngidi wabò. Tudi tulòmba bwà bàKwitàbè, dilòòlò edi, nè bàpetèku cìdì cikùmbàne mu byònsò cìdìbo nè cyà kwikala naaci mu dībà dyà lufù.

5 Bààbúngì kaaba aka pàmwàpa bàkaadi bamanè kuKwitaba, kàdì kabàyi bânjì kuujiibwa tètè nè Nyumà Webè to. Tudi tulòmba, bwà dilòòlò edi nè, Wèwè neùbàpòngòlwèle Nyumà Mwimpè wabúngì, bwà bààmònakù mwà kwikala basadidi Beebè mu mèbà à ndekeelu à maalu-malonda à buloba ebu.

6 Ondòpàku babèèdì bònsò nè beena ntàtu, Mukalenge. Wèwè udi mumanyè dijinga dyàbò.

7 Nènku tudi tulòmba bwà Bwikadi Bwèbè bùlwe munkaci mwètù, dilòòlò edi, mu mùshindù wà twètù kuKujingulula bu Mukalenge wetù mubiike ku lufù. Nènku pàdì disangisha dijika, nè twalukila ku mbànzà yètù, swàkù bwà twikalèku bakùmbàne mwà kwakula munkaci mwètù, twamba bu bàvwà bàfùminà ku Èmawùsè ditùkù adi abu, bamba nè: “Myoyi yètù kayivwa yilàkuka kapyà munda mwètù, pàvwàYe wàkula neetù mu njila apu anyi?” Bwalu bàvwà bafikisha ku diKumanya ku cimanyinu kampàndà ciWàkenzà kumpàlà kwà dipoopediibwa Dyèbè dyà pa nkùrusè. Nè paanyimà pàà Wèwè mumanè kubiika ku lufù, Wèwè uvwa Yesù umweumwe awu, mwikàle wènzà bintu bìmwèbìmwè abi. Swàkù bwà tùtungunukè ànu nè kufila bujaadiki bùmwebùmwe abu, dilòòlò edi. Mu Dìná dyà Yesù, mmutùdì tulòmba emu. Amen.

Nudi mwà kusòmbaayi.

8 Ndi mwangàtè dībà dyànyì dyònsò makèèlèlè dilòòlò awu, pa cyena-bwalu cyà nè *Tudi Baswè Kumòna Yesù*, nè paanyimà pàà bamanè kuleeja ngiikàdilù wa masangisha nè mùshindù wà kuitaba, bu mwikale Mwanèètù Borders mwà kuleeja beenyi dilòòlò dyònsò kuumukila ku mpindyewu. Mèmè kwangata dībà dyànyì dyònsò, too nè pa dībà citèèmà nè tusunsa makùmi àsàtù, kàdì ncyèna muswè kulama bantu bindile to. Ànu ndambù mukesè wa mēyì, bwà kumanyangana, nè pashìishe Mēyì à Mukalenge àdì nè mushinga. . . Musangu ùmwè, ùdìYe wàkula, ùdì nè mushinga kutàmba cìdì muntu kanà yònsò ewu mufwànyìne kwamba mu matùkù èndè ònsò à mwoyi, ànu Dìyì dimwèpelè cyanààna dyà kùdìYe.

9 Ndi njinga kwangata mutùdì mwà kwamba, dilòòlò edi, cyena-bwalu mu dibala dyà Mufundu ewu cìdì Nzambi

mutùpèèshe kaaba aka bu dyumvwija. Yèyè àtùpèèshèci kòkù. Ndi muswè kwangata dìyì dimwèpelè: *Musùminyine*.

¹⁰ Mwákù awu, bilondèshile Webster, pa tubèji kampàndà tùndì mufùnde kaaba aka, wùdi wùmvwija nè “kwikala munànukidi,” kwikala *musùminyine*, nènku, mbwena kwamba nè, mu dikùmbaja kiipàcilà kampàndà; “kwikala munànukidi,” nènku aci ke *musùminyine*.

¹¹ Bantu bàà bikondo byònsò, bàdì nè diitabuuja mu cìdìbo bàteeta kukùmbaja aci, bàvwa basùminyine. Muntu nànsha umwe kèna mwà kwikala musùminyine pàdiye kàyì mwànji kumanya cìdiye ùteeta kukùmbaja aci to. Nènku udi dyàmbedi nè cyà kumanya cyùdi uteeta bwà kukùmbaja aci, nè pashìishe kwikala nè diitabuuja dyà nè neùpetè cyùdi ukèba aci. Nènku aci cìdì cikuvwija munànukidi, cintu kampàndà cyùdi mumanyè nè ncilelèlè.

¹² Diitabuuja ndishìndamija mùshindù awu. Diitabuuja kí ndishìndamijila pa bwalu bukwàtakaja to nè pa cintu kampàndà cìdì, èè, cìdì ànu cyàmba nè: “ndà ùkenzè cikampàndà anyì enza *cikansanga*,” pa mèyì à muntu kampàndà. Kàdi diitabuuja dìdì dyàngata ciikishilu cyàdì cyà Cyendèlèlè pa Dìyì dyà Mukalenge, pa Dìyì dyà Nzambì, dìdì diikàle Bible.

¹³ Mpindyewu, tudi twitabuuja nè Bible ùdi Dìyì dyà Nzambì dìdì kadiyì mwà kupangila adi. Tudi twitabuuja nè Cìdì ndibuulula mu kaabujimà dyà Yesù Kilistò: ÙDibuulula mu Dipungila Dikùlukulu kùdì bapròfètà; Nzambì ùDimanyisha kùdì Mwàn’Endè, Kilistò Yesù nè: “Nè munda Mwèndè mùvwa musòmbèle kaabujimà kàà Bunzambì mu mùshindù wà mubidi.” Wàkapoopediibwa pa nkùrusè bwà mpèkaatù yètù, kufwà, kujiikiibwa, kubùka ku lufù mu ditùkù diisàtù, kubànda mu Dyulu, nè mmwalùkile cyàkàbìdì kaaba aka mu Dìnà dyà... mu mmwènekèlu wa Nyumà Mwìmpè. Nzambì musòmbèle, musangu kampàndà, Nzambì kumutù kwètù; mu Kilistò, Nzambì neetù; mpindyewu Nzambì munda mwètù. Nzambì ngudi munkaci mwà kuseba njila Wèndè wa dyalukidila mu muntu bwà kukuukwila...kukuukudiibwa mu muntu, cyamu cyà mudimu cyà Nzambì. Nzambì katu wènza cintu nànsha cìmwè pàdì muntu kàyì mwikale mwena mudimu Wèndè nànsha, mukwàcishi Wèndè to.

¹⁴ Nènku mpindyewu bantu bàvwa nè diitabuuja mu Nzambì, bàvwa banànukidi bàà dikèmà mu cìdìbo bàteeta kwenza. Nènku tudi twangata bantu bàà mu bipidi byònsò byà mu nsòmbelu.

¹⁵ Cileejilu, George Washington, mu Cibandabanda cyà Forge emu. Paanyimà pàà yèyè mumanè kusambila bufùku bujimà mu nējè, mubànde too nè mu cìfùkà cyèndè amu, mubolè bolebole too nè mu cìfùkà cyèndè, nè musùlu mùle tètè nè mabwe à mashika. Kàdi wàkapeta cìkèenà-kumòna cyà

kùdì Nzambì, kupetayè diitabuuja, dyà nè Nzambì ùvwa nè cyà kumupèesha bucimunyi. Nènku mu—musùlù wùvwa nè... kawùvwa mwà kwikala mukwàte dibwe dipitèpìte bùngì munda mwàwù to, nànsha nànkù. Byàbisàtù bibidì byà cilwilu cyèndè kabìvwa mene nànsha nè bisàbaata ku makàsà to. Makàsà àbò àvwa majìngila mu mikùsù, biimàne mu mashika amu. Kàdi nànsha nànkù yèyè kuumvwa mu mwoyi wèndè nè Nzambì ùvwa mumupèeshe bucimunyi. Ùvwa musambidilemù. Ditùkù dyàkalondà, tudi bamanyè nè, màzajì àsàtù àkabwèla mu nkooçi wèndè kàyì mamulengè to. Nè musùlu kawùvwa mwà kumwimanyika to, anyì màzajì à bujitu awu kàvwa mwà kumwimanyika nànsha. Wàkanànukila, bwalu ùvwa musambile musambidilemù. Nènku ùvwa nè diitabuuja mu cìvwaye wenza aci, mu Ewu uvwa umulombola awu, uvwa mwikale Nzambì.

¹⁶ Kakwèna cintu nànsha cìmwè cìikalà mwà kwimanyika muntu pàdiye—pàdiye musùmìnyìne, pàdiye mumanyè cìdiye wèenza, nè mwikàle nè diitabuuja mu cìdiye ùteeta bwà kukùmbaja aci.

¹⁷ Bùmwe bwà ku maalu-malonda à matàmbe kwikala à kale mu Bible, bùmwe bwà ku òwò, bùvwa n'Noà. Noà kàvwa ànu muntu kampàndà mushiilàngàne to. Ùvwa muntu ànu wetù wa pàtupù ewu, pàmwàpa cidimè.

¹⁸ Nè bàà pa buloba bàvwa beena lwonji, ànu mùdìbì leelù ewu emu, bùle tètè nè maalu à mamanya nè bantu banène. Bàvwa bapàtùkile ku bàna bàà Kaayinà. Bàna bàà Setè bàvwa balami bàà mikòòkò bapwekèle, baabidimà. Kàdi bàna bàà—bàà Kaayinà bàvwa beena meeji, biibaki, nè—nè benji banène bàà bintu, nè beena maalu à mamanya, bàà meeji matwè à dikèmà, batèndeleeedi bàà dipòkò. Nènku bàvwa nè mmwènekèlu wabò bóbò wa difwàna dyà Nzambì, kàdi biikàle bàvila, ànu mùdìbì leelù ewu emu, bukolè bwà Nzambì.

¹⁹ Nènku Noà mwikale muntu mwakàne kumpalà kwà Nzambì, dīngà ditùkù Nzambì wàkatuutakeena nendè mu madimi nè kuyiikila nendè, nè kumwambila bwà kwibakayè bwàtù, bwalu Yèyè ùvwa nè cyà kubutula buloba ku màyi.

²⁰ Mpindyewu aci kakùyì mpatà to cìvwa cibèngàngàne nè bipiminu byònsò byà maalu à mamanya byà ditùkù adi. Nwamònu's, kacya kakùvwakù kwànji kulòka mvùla to. Kakùvwa—kakùvwa mutaleela mu mpeepèlè to. Nè Nzambì ùvwa ùbolesha buloba nè màyi kupicila ku dimyamina, àpicila mu buloba, nè tusùlu. Nè kakùvwa màyi bwà cintu cyà mùshindù awu to, kakùvwa màyi mu mauulu to.

²¹ Maalu à mamanya mu ditùkù adi àvwa pàmwàpa nè dikùmbanyina ditàmbidile. Bàvwa bènzè bintu cikondo aci kutàmba mùdìbò—mùdìbò bakùmbànyìne bwà kumvwija leelù ewu. Bààkiibaka bipaapu byà misàkà mu Èjiipitù, mpìngù yà ntambwe yà mitù yà bantu. Kabàvwakù mwà kwibaka abi

kàbìdì to. Mabwe awu matùmbùke mu mpeepèlè mùshindù awu, katwèna nè cintu nànsha cimwè cyà kuàbàndisha naacì muulu amu, anyi bukolè nànsha bùmwe bwà kuàbàndisha to. Kàdi mu mùshindù kampàndà bàvwa mwà kucikùmbaja mu matùkù à Henòkà nè Noà, kumpàlà kwà dipaasalala dyà mâyi adi. Nè pàmwàpa bààkafika ku ngondo, nè bafwànyine kwikala nè bayi bàà mu mabùlungà, nè bikwàbò. Katwèna bamanyè to.

²² Kàdi Yesù wàkamba nè: “Ànu mwàkadibi mu matùkù à Noà amu,” dishidimuka dinène dyà meeji matwè ànu mwàkadibi musangu awu amu, “ke mwikalabi kàbìdì ku dilwa dyà Mwànà wa muntu.”

²³ Nènku mpindyewu pàmwàpa bóbò, mu bukèbikebi bwàbò bwà maalu à mamanya abu, bàà—bààkasangana cintu kampàndà mwaba awu cyà nè bàvwa mwà kwenza diikala divwà mwà kushààlaku too nè leelù ewu, mùkubù wà mùshindù kampàndà, wùvwà kawùyì mwà kutòòkoloka to.

²⁴ Nènku bàvwa mwà kwela bwanga mu mubidi wà citàlù, kawùyì mwà kubola to, wùvwà mwà kumwèka ànu mwàwù mwà ciibidilu; kàdi leelù ewu, paanyimà pàà bidimu binunu binaayi, wùcidi ànu wùmweka ànu mwàwù mwà ku cifùkulu. Katwèna mwà kwenza aci to nànsha byôbi bikèngela bwà twètù kucyèenza. Katwèna nè cintu nànsha cimwè cyà dicyèenza naacì to. Tudi bajimije dimanya adi, mamanya àbùngi manène àvwàbo naawù.

²⁵ Kakwèna mpatà to bwà nè bàvwa nè byamù bìvwà mwà kujaadika nè kakùvwa mâyi mu mpeepèlè to. Kàdi muntu ewu upàtuka, ubèngangana nè maalu à mamanya, wàmba nè: “Nekùlwe mâyi àfùmina mu maulu.”

²⁶ Mpindyewu, maalu à mamanya àvwa mwà kwangata cyamù nè kucibàndisha muulu mu lupeepèlè, nè kwamba nè: “Tàngila kùnweku, Noà, balà ku cyamù eku. Cidi cìfila ku cipimu eci, ní kùdikù mâyi muulu mwàmwa, anyi to, nè kaènamù nànsha makesè to. Mpindyewu wèwè udi wamba nè àdi kuulu kwàka, kàdi pààbì bukèbikebi bwà maalu à mamanya bùdi bùleeja nè kaènamù to.”

²⁷ Aci kacýàkiimanyika Noà to. Wàkanà nukila. Ûvwa mumanyè nè Nzambì ùvwa mwambè nè: “Mvùla neàlokè,” nè Nzambì ùvwa nè bukolè bwà kutèeka mvùla muulu mwàmwa piikalàYe mwambè nànkù. Yèyè’s ùvwa mufwànyine kucyèenza, mâyi ikalèku anyi kaikadikù to. Pa nànkù wàkanà nukila paanyimà pàà yèyè mumanè kumanya Dìyì dyà Mukalenge.

²⁸ Nènku pàdì muntu mumanyè Dìyì nè diswa dyà Nzambì, ùdi ùlwa munà nukidi. Ùdi ùlwa musùminyine. Cidi maalu à mamanya àmba nànsha ciikàle cinyi nè: “Èè, kabèèna mwà kwenza *cikampàndà* to, kabèèna mwà kwenza *cikansanga* to,” wèwè udi mucimanyè, nànsha bìshi. Udi mukwàte Cintu kampàndà, nè Cintu kampàndà aci ncikukwàte. Nudi munkacì mwà kunyùngulukulangana pàmwè. Wèwè, kùdi cintu kampàndà

pa bwalu abu, cyùdì kùyì mwà kucyùmvwija to. Nànsha byôbì bimwèka ku maalu à mamanya nè kì ncilelèlè bishi, kàdi kùdì Cintu kampàndà munda mwàcì amu cìdì cìkwambilà nè n’Nzambì, nè kakwèna cintu nànsha cìmwè cyàcìimanyikà to.

²⁹ Pa nàнку tudi tusangana nè Noà wàkatùngunuka ne kutuuta nsandu wènzà bwâtù, nànsha bàmba nè cìleeji cyà maalu à mamanya cìdì bishi, “kabìvwa nàнку to, nè kakùvwa mvùla to.” Kàdi yêyè wàkaciitabuuja nànsha bishi, bwalu ùkaavwa muumvwè Dìyì dyà Mukalenge.

³⁰ Nènku’s ke mwaba wùdì diitabuuja dishìndameena kakùyì tuseku to, pa EMU MMÙDÌ MUKALENGE WÀMBA.

³¹ Mòsà, muntu mukwàbò munène, wa meeji matwè uvwa mukolèshìibwe, mulediibwe pa buloba bwà kukùmbaja cyenzedi kampàndà cyà bulòbo cyà Nzambì. Kàdi kuteetayè bwà kukùmbaja kiipàcìlà aka ku byenzedi byà maalu à mamanya. Tutu bayiile nè mbatwambìle ku maalu malonda nè yêyè ùvwa mulombodi munène wa bàsàlaayi, nè wèndè mùshindù wùmwèpelè wà kwenza cintu kanà cyònsò eci, ùvwa, kushipa. Ùvwa nè meeji matwè à kacya mu mùshindù wà nè ùvwa mwà kulongesha beena Èjiipitù bàà meeji matwè abu, lungènyi. Mu lungenyi lwèndè lwònsò nè byònsò bìvwaye mumanyè abi, nànsha nàнку kupangilayè, kupangilayè bibì byà byènza nè luse ebi, bwà kukùmbaja cìvwà Nzambì naaci mu meeji bwà yêyè kwenza aci. Kàdi mu kujandula kwà dipangila dyèndè, ku dishebeya dyà mwena Èjiipitù nè kumusokoka mu lusenga adi, nè kutèeleja ditàndisha dyà kùdì mwanààbò, anyì lukonko lwà nè: “Udi muswè kutùshebeya muwènzèdì mwena Èjiipitù amu anyì?” Pa cyòcì eci, Mòsà wàkaya lubilu mu cipèèlà, mupròfetà munyeemakanyi.

³² Paanyimà pàà bidimu makùmi ànaayi mu cipèèlà, mùvwà Nzambì mumumùshe dilonga dyà bintu byà pa buloba abi, mumubweje mu meeji à Nzambì; kwangata dipòlomè dyèndè dyònsò dyà bu docteur adi, nè byònsò, kubikùpa kule nendè, too nè mùvwàYe mwà kukwàta mudimu mu mwoyi wèndè.

³³ PàvwàYe nè bintu byà mudimu bimana kulongolola, dìngà ditùkù pàvwàye ùdìisha mìkòdòkò paanyimà pàà cipèèlà apu, kajila kàà kale kàà ciibidilu, kusanganayè mucì mukwàte kapyà.

³⁴ Mòsà, mwikàle mwena maalu à mamanya, kààkaseemenakù pabwìpì naaci mu mùshindù wà mwena maalu à mamanya to. Bu nwènù mwà kumòna, bu nè yêyè ùvwa mwena maalu à mamanya, nùnkù’s mmwambè nè: “Mpindyewu mèmè nèngàngatèku ndambù wa mabèji à ku mucì wàwa, bwà kuya naawù ku nzùbu wa mateeta bwà kujandula nè àvwa mapùdijiibwe cinyi, bwà cinyi àvwa àteema kàdi kàyi àbùtuka to.” Bu yêyè mwà kwikala mwenze nàнку, dìbà adi kàvwa mwanji kwikala pabwìpì to.

³⁵ Kàdi cyàkenzàye, wàkaseemena pabwìpì Naaci nè kukòpola bisàbaatà byèndè, kutwàye binù nè kubangayè kwakula Naaci,

bwalu ùvwa mumanyè nè Cìvwa citàmbe-mfùkìlu. Kwòkù aku kulwaku Dìyì dyà Mukalenge, dyàmbe nè: “Ndi mùmvwè mikèmù yà cisàmbà Cyànyì, nè Ngávùluku Dìyì Dyànyì. Ndi nkutùma wèwè kuntwaku bwà kubàsùngìla.”

³⁶ Mpindyewu misangu mikwàbò, mu kajila kàà mudimu, Nzambì ùtu ùbìikìla muntu Wendè bwà kwenza maalu àdì macimbàkàne kakùyì mpatà to bwà meeji à mubidi. Yèyè ùdì ùbàfikisha ku dyenza cintu kampàndà cìdì cyònsò ànu menemene cìlwa cyà budingidingi cyà kusekabò. Cileejilu, ambààyìbì tũng bu nè Mòsà ùvwa mupangile, bu nsongààlùmè wa bidimu makùmi ànaayi, mùsàlaayi; nè nkwasà wa butùmbi, dikàsà dyèndè ditentekapù, bilwìlu byònsò byà Èjiipitù abi mu bukòntononyi bwèndè? Nènku kupangila bwà kwenza nànkù, kàdì's ke yèyè udi upweka mu Èjiipitù ewu, pààkacyàbu mu dindà, paanyimà pàà mumanè kutuutakeena nè Mwanjèlò ewu mu cipuka, kàyì cintu nànsha cimwè mu cyanza to ànu dikombo dyà kale dikònyàngàlè dyà mu cipèèlà, nè mukàjèndè musòmbè pa kampundu, nè Geeshòmà mupàyika ku lubèsè, nè mwedi mutòòke mulembèlèlè too nè lwà mu cìfuka, pàmwàpa. Ùkaavwa nè bidimu makùmi mwandamukùlù. Mutù wèndè wà dibàla ùbàlakana ku dîbà, nè dikombo mu cyanza, mèsù èndè matàngija mu dyulu, nè mimwemwe ku mishikù yèndè.

Muntu kampàndà ùvwa mufwànyìne kwikala mwambè nè: “Mòsà, kùyaaya nképì?”

Yèyè nè: “Ndi mpweka mu Èjiipitù, bwà kuya kakwàta ku bukòòkeshi.”

³⁷ Pèndè kàyì mwà kucyènza nè cìlwìlu to, mmunyi mwàcyènzàye nè dikombo dikònyàngàlè's? “Kaa, mulùmnyàhà wa yààya, s'udi mujìmìje lungènyì. S'ukàadi—ukàadi mujìmìje mutù.”

³⁸ Cìvwa ndibùcìkìla dyà muntu umwèpelè. Kàdì bwalu bùvwa nè, yèyè wàkacyènza, bwalu cìvwa n'Dìyì dyà Mukalenge. Nènku Mòsà ùvwa mupàngàdìke, nànsha bàmba nè kàvwa wa dicinkìla bucìmunyi bishì. Nzambì ùvwa nendè, nè Yèyè ùdì nè mushinga kutàmbe dicinka dyònsò.

³⁹ Bu balùme nè bakàji mwà kwelaku ànu meeji nànkù dilòòlò edì, nè Dìyì dyà Mukalenge m'Bulelèlà! Kakwèna cintu cikwàbò nànsha cimwè to. Cyendèlèlèlè cyònsò cìdì cikwàcìla mudimu pa Dìyì. “Dìyì nànsha dìmwè,” mwàkambà Yesù, “kaDyakupangila to. Maulu nè buloba nebìpangilè, kàdì Dyòdì to.”

⁴⁰ Mòsà kupwekayè. Nènku wàkanànukìla bikolè pààkeelàye dikombo dyèndè panshì, nè kwandamukadì nyòka.

⁴¹ Pashìishe kusanayanayè batentudi. Aci cìcìdì ànu cìnènga mu kajila kàà Nzambì, muntu kampàndà bwà kuteeta kutentula cintu kampàndà. Nènku batentudi kulwàbò bwà kutembanganabò nè cyòcì aci, kwelabò àbò makombo panshì.

42 Mòsà ùvwa mumanyè nè Nganyì uvwayè mwitàbùùje, nè ùvwa mutwìshìibwe nè Yèyè ùvwa nè bukolè bwà kulama cìvwàye muMupèèshe bwà kadyombo kàà díbà adi. Mòsà wàkashààla mupùwe. Pashìishe nyòka wa Mòsà kuminayè nyòka wa beena màjìmbu.

43 Nè tudi bayiile nè cintu cìmwècìmwè aci necyènzekè cyàkàbìdì, pàmwàpa kabìyì mu mùshindù wùmwèwùmwè awu to, kàdi nebyènzulukè cyàkàbìdì mu matùkù à ndekeelu. “Bwalu ànu mùvwà Yanè nè Yambèlè bakàndàmèène Mòsà amu, ke mwikalàbo kàbìdì mwà kukàndameena Bulelèlà.”

44 Mòsà wàkanànukila, bwalu ùvwa nè cyenzedi cyà bulòbo, mwikàle nè EMU MMÜDÌ MUKALENGE WÀMBA paanyimà pààci nè: “Mémè nēngìikalè neebè.”

45 Davidì, mwimàne kumpàlà kwà Shawùlà, dīngà ditùkù. Ke kuumwayè Goliyààtà ùpàtuka pa kakùnà apu, muntu munène wa mpolondo uvwa nè minu bule bwà byàlà dikùmi nè binaayi. Nè difùmà dinène mu cyanza cyèndè, bunène bwà mulangala, pàmwàpa bule bwà mètres àsambòmbò anyì citèemà, difùmà dinène ku ndekeelu kwàdì, anyì, ku lusongo, dyà cyamù cyà mìtakù. Anji difwànyìkìjilaayibi cìvwà mutù wà muntu awu mufwànyine kwikala, Ùvwa mufwànyine kwikala bunène bwà mbaafù, nè cìfulu cyà mvità cyà mupimbu wa byàlà bìbìdì ku mutù, nè cyamù cyà mìtakù, cibwikila cyònsò. Nènkù ùvwa munkaci mwà kwela bilwìlu byà Nzambì kadyòmbò's! Ke yèyè kucyàmba mwìsù mwà Davidì.

46 Kàdì's Davidì ùvwa muntu mukesè, mukùnzùbile, mukesè, pàmwàpa nè makaaya makòbàme. Bible mmwambè nè yèyè ùvwa “mukùnzùbile,” mwànà mukesè. Kacya kàvwakù nè dilongeshiibwa mu—mu dilwangana dyà mvità yà bàbìdì to, nè mafùmà nè bikwàbò to. Kàdì ùvwa munkaci mwà kulama mikòòkò lwà mu ndekeelu mwà cipèèlà mwàmwa, nè nyama wa ntambwe kulwayè kukwàta umwe wa ku bàna bèndè bàà mikòòkò abu, ke kumulondayè nè kumushipayè nè ndundu wa nyuunyi. Tudi tusangana nè ours wàkenza nànkù, kuteeta cintu cìmwècìmwè aci, kàdi Davidì wàkamucìmuna.

47 Ke pashìishe Davidì kwamba nè: “Nenwìmanè kàdi kulekela mwena Peleshètè udi kàyì mutengula wàwa wèla bilwìlu byà Nzambì udi nè mwoyi kadyòmbò anyì?” Wàkafwisha bàna bààbò bundù; pàvwàbo bàmba nè ùvwa kantu cyanààna, ùvwa mulwè ànu bwà kumòna mvità. Kàdì kùvwà Cintu kampàndà mu Davidì, cìvwàye mumanyè nè yèyè ùvwa mutàmbe nè mucìmunyi. Nànkù è kwambayè nè: “Panwikalà nwénù nè bwòwà bwà kumulwisha mvità, mémè nyàya kamulwiha.”

48 Shawùlà, bwalu bulwalwa kùdì kalààlà kàà māsàlaayi, Shawùlà, nè yèyè wàkamuvwàdika byèndè byà mvità pambìdì, kàdi kabyàkamukùmbana to. Wàkajandula nè cinkutu cyèndè

cyà butèndeledi aci kacyàkakùmbana muntu wa Nzambi to. Nè cintu aci kacyàkamukùmbana to. Kàvwa mumanyè cyà dyenza to. “Eci, kacya ncitukù mwanjì kuteeta cyôci eci to. Ncyêna mumanyè kantu nànsha kàmwè pa bìdì bitàngilà bintu ebi to, dipòlomè dyà Licencié, nè bikwàbò ebi to. Nguumushèku cintu aci pambidi nè ndekèlèku nye mu mùshindù wùdì Nzambi mumpèèshe disungidiibwa awu. Ndekèlaayi nye nè ndundu wa nyuunyi.”

⁴⁹ “Mòna’s,” mwàkambàbo, “yèyè mmulwanganyi wa mvità kacya ku bwànà bwèndè, kàdì wèwè udi ànu mwànà cyanàànà.”

⁵⁰ Yèyè nè: “Mèmè ndi mumutàmbe bukolè. Ndekèlaayi nye.” Nènkù nànsha muntu wa mpolondo awu ùmwèka munène wa bishi, nè nànsha mùvwàbì bimwèka bu nè kí mbilelèlà amu, Davidi wàkanànukila nè mwena Peleshètè uvwa kàyì mutengula awu kàvwa mwà kwela bilwìlu byà Nzambi udi nè mwoyi uvwayi ùleeja mpàla awu kadyòmbò nànsha.

⁵¹ Kaa, bu twètùkù nè ba-Davidi bakwàbò mu cilwìlu eci, bu twètù nè bantu bààbúngì bàvwà bafwànyine kwimana nè kwikala banànukidi, basùmìnyìne mu Diitabuuja dyàkapèèshiibwà bansantu musangu wùmwè’s we!

⁵² Shimishòonà, muntu mukwàbò wa musùmìnyìne be. Yèyè wàkalediibwa dilediibwa dyà Bùnanzi.

⁵³ *Mùnanzi* mbwena kwamba nè: “mutàpùlùke ku Dìyì.” Ncintu cilenga kaayipu cìdici cìfwànyìne kwikala dilòlòlò edì’s bu beena Kilistò bònsò mwà kwikala Bànanzi kùdì Mukalenge; batàpùlùke kí nku twitabàayi to, kàdì nku Dìyì. Kilistò n’Dìyì adi. Mutàpùlùke ku Dìyì!

⁵⁴ Yèyè ùvwa nè bipya byà nsukì mwandamutekète bimulembèlèle paanyimà, cìvwà ciikàle cimanyinu cyà nè ùvwa mutàpùlùke.

⁵⁵ Nè pashìishe dîngà ditùkù kutwilanganabò nendè mu—mu mpàta, kàyì nè cintu nànsha cìmwè mu cyanza cyèndè bwà kulwangana naaci, kùdì beena Pelèshèètè cinunu. Beena Pelèshèètè abu bàvwà bantu benze bu cimanu cyà cyamù cyà mitakù; bifulu binène byà mvità byà bujitu ku mitù yàbò, byà mvità binène kumpàlà kwàbò, nè ngabu, badiswike mikàbà, nè bikwàbò, pambidi, bwà kwepela dizajì kanà dyònsò edì; pàmwàpa cìfulu cyà mvità ciikàle mupimbu wà cyàlà cìmwè, ku mitù yàbò aku.

⁵⁶ Shimishòonà kàvwa nè cintu nànsha cìmwè to, kàdì ùvwa ànu mwà kuumvwa nè mulayì ùvwà Nzambi mumwenzèle awu wùcìvwa ànu kacya wàmulembelela ku mutù. Yèyè ùcìvwa ànu mwà kuumvwa dilaabiibwa adi, mu ngaakwilù mukwàbò. Yèyè ùvwa mumanyè nè Nzambi ùvwa nendè, bwalu ùvwa muumvwè byòbì bipya byà nsukì abi bimulembèlèle pa makaaya èndè. Wàkatwà cyanza pa cìvwà mu cyèndè. . . cìvwàye mwà kupeta aci, nè cyôci aci cìvwa lubàngà lwà kampundu. Ke kwimanaye

naalù mu cyanza, nè wàkanà nukila nè kacìvwa cifwànyine kwikala mufuba wa lubàngà anyi dibòkò dyèndè yéyè mwìnè to, kàdi cìvwa mwà kwikala bukolè bwà Mukalenge. Nènku bukolè bwà Mukalenge kumupwekelabù, ke yéyè kutuuta, nè mufùbà wà lubàngà awu, beena Pelèshèètè cinunu.

⁵⁷ Mmunyì mwàkacyènzàye? Mufùbà mùmè, wà lubàngà, mujàmè mu cipèèlà, bu wèwè mwà kuwùtuuta ku lubwebwe, ùvwa mwà kutangalaka mu tusùnsukilà; kàdi pamutù pàà bifulu byà mvità bìvwà ku mitù yà beena Pelèshèètè abu, bìvwà bìlembèlèlè abi, nè mabèji manène mapàtùke ku nseke pàvwawù mabànde pa makaaya apu mupimbu wà cyàlà cijimà, nè cyamù cyà mitakù. Yéyè ùvwa mwimàne nè mufùbà wà lubàngà kàdi kutònkola bantu cinunu. Mbambe nè: “Nyumà wa Mukalenge wàkalwa pambidi pèndè.” Wàkanà nukila.

⁵⁸ Dìngà ditùkù, nyamà wa ntambwe kulwayè wènda ùmulonda nè kàvwa nè cintu nànsha cìmwè mu cyanza to. Kàdi Nyumà wa Mukalenge wàkalwa pambidi pèndè, bipya byèndè biciikàlè ànu bimulembèlèlè pa dikaaya, yéyè wàkapanda nyama wa ntambwe awu nè byanza. Wàkanà nukila bìkolè, bwalu ùvwa mumanyè nè mulayì wà Nzambì ùvwa nèndè. Ùvwa mukùmbàne mwà kukùmbaja cintu kanà cyònsò, bwalu mulayì wà Nzambì wùvwa nèndè, bwà kusùngila.

⁵⁹ Yone ùvwa mutwìshìibwe ànu byà menemene! Yone Mubàtiiji, pààkaledii bwàye, ùvwa mumanyè nè yéyè ke uvwa nè cyà kwikala yéyè awu, paanyimà pàà yéyè mumanè kukola bikùmbàne bwà kuumvwayè, nè bidimu bitwè ku citèemà. Tatwèndè uvwa mwakwidi. Pa ciibidilu bàtu balonda njila wa taatù. Kàdi yéyè kàakaya ku bilongelu nè maasèminèrè to, bwalu ùvwa mumanyè nè mudimu wèndè wùvwa nè mushinga mutàmbe bunène. Yéyè nguvwa nè cyà kumanyisha Maasiyà. Tudi bamanyè nè Mwanjèlò ùvwa mwambè nànkù.

⁶⁰ Ùvwa mumanyè nè yéyè ùvwa muleejìibwe mu Mifundu nè: “Díyì dyà ewu udi wela lubilà mu cipèèlà nè: ‘Longòlòlaayi njila wa Mukalenge!’” Ùvwa kàbidì mumanyè nè Maalaki, bidimu nkàmà yìnaayi kumpàlà, ùkaavwa mumanè kwamba nè: “Mònaayi, Ndì ntùma mùsànjeelà Wanyì kumpàlà Kwànyì.” Paanyimà pàà mumanè kwikala mu cipèèlà, mùvwàye, mulongele kàlaasà kùdì Nzambì, kí nku sèminèrè kampàndà wa tèòlòjì bu mùvwà tatwèndè mufùmìne amu to.

⁶¹ Kàdi yéyè ùvwa nè mudimu wà mushinga mukolè. Yéyè nguvwa nè cya kumanyisha Maasiyà, nè bìvwà bìkèngela bwà kumanyayè nè ncimanyinu cyà mùshindù kaayi cìvwa cifwànyine kulonda Maasiyà. Pashiishe kumònayè, dìngà ditùkù nè, yéyè ùvwa mwimàne, ùyiisha bantu, kwambayè nè: “Kùdì Kampàndà mwimàne munkaci mwènù mpindyewu, Unùdì kanùyì bamanyè to, Ùndì ncìyì mukùmbànyine bwà kusuulula nshinga wa bisàbaatà Byèndè to, Yéyè neànùbàtìizè nè Nyumà

Mwîmpè nè Kapyà.” Ûvwa mutwishiiibwe menemene bwà kaaba kèndè, ùvwa mutwishiiibwe menemene bwà mudimu wèndè wà bwambi, mu mùshindù wà nè yèyè wàkamba nè: “Yèyè mmwimàne kaaba aka mu mwaba kampàndà mpindyewu, munkaci mwènù amu!” Kàvwa nè bwôwà bwà kucyàmba kumpàlà kwà Bâfaalèsà nè Bâsadokà, nè—nè māsàlaayi, nè bikwàbò byònsò bìvwàku abi to. Bàmwè bàà kùdìbò bàvwa baMwindile munda mwà binunu byà bidimu, kàdi yèyè kwamba nè: “Yèyè mmwimàne munkaci mwènù.” Muntu nànsha umwe kàvwakù mwà kumunyèngaci to. Wàkanànukila. Yèyè ùvwa musŭmĭnyĭne kumpàlà kwà bònsò. Èyowà's.

⁶² Mukàji mutekète wa beena Ngèlikà ewu, kakùyi mpatà to, ùkaavwa muumvwè bwalu Bwèndè, muumvwè bààkula bwà Yesù, dìtābuluja dinène adi. Mupròfetà wa citende ùjuuka mu Ngalèlè, wa ku Nazàlèètà, nè ùvwa ùleeja bimanyinu binène nè maalu à kukèma. Yèyè ùkaavwakù muumvwè bàmba bwà bwalu Bwèndè, nè: “dìitabuuja didi difùma ku dyumvwa.” Mukàji mwena Syrophénicie ewu, mwikàle mwena Ngèlikà. Dìitabuuja didi dipeta mishimi yidi bakwàbò kabàyi bàmona to. Pàākumvwāye, wākīitabuuja. Ûvwa mufwānyine kwikala mŭmvwè bwalu bwà mwānà wa bakàji wa mwena mutumba kampàndà uvwa mwondòpiibwe ku ciseki, cìvwà mwānà naaci, nè bàvwa mwà kwikala buumvwè bààkula bwà mwena ciseki ewu mwondòpiibwe. Pa nānku mwanèndè wa bakàji awu ùvwa ùkèngela dyondopa, nè ùvwa mŭmvwè bàmba nè Yesù ùvwa mwà kwenza nānku.

⁶³ Bwalu, Yèyè ùvwa Dīyi dyà Nzambì divwijiiibwe mubidi! Yone Munsantu 1: “Ku cibangidilu kwākadi Dīyi, nè Dīyi dyākadi nè Nzambì, nè Dīyi dyākadi Nzambì. Nè Dīyi dyākavwijiiibwa mubidi nè dyākasòmbela munkaci mwètù. Dīm̀wè̀dīm̀wè̀ adi makèèlèlè, leelù, too nè kashidi!” Yèyè ùvwakù bwà kubuulula milayi yà Nzambì bwà ditùkù Dyèndè.

⁶⁴ Yèyè ùdi kaaba aka dilòòlò edi bwà kushindika nè kubuulula mulayi wònsò wùdì Nzambì mufile bwà cikondo eci. Yèyè ùdi kaaba aka bwà kucyènza. Ûvwakù mu matùkù à bapròfetà. Yèyè ùvwa mu Mòsà, Ûvwa mu Davìdì, Ûvwa mu Eliyà, Ûvwa mu bakwàbò abu, bwà kubuulula mulayi wà Nzambì wà cikondo aci. Nzambì mmwabānye Dīyi Dyèndè mu cikondo nè cikondo cyònsò, nè Yèyè ùdi ùtuma mupròfetà, nè Dīyi dīdì dīya kùdì mupròfetà nè dīcīlongolola, nēnku ke cyōcī aci menemene cīdīYe mwēnzè munda mwà bikondo byònsò. Nè Yèyè ùdi Nzambì, nè kàtu ùshintuluka to. Yesù Kilistò ke Mupròfetà awu dilòòlò edi udi mwimàne munkaci mwètù emu. Yèyè ke Udi kaaba aka mu mmwènekeli wa Nyumà Mwîmpè, Udi mumanyè bintu byònsò, nè udi mwà kubuulula cintu kanà cyònsò cīdīYe muswè kubuulula aci.

⁶⁵ Mukàji awu wākīitaabuuja cyōcī eci, bŭngì bwà bantu bàvwà kabàyi biitābùuje kabŭvwa bŭmwambila cintu to.

⁶⁶ Diitabuuja dùtu dipeta mushimi wùdì bakwàbò bantu kabàyiku bamanyè kantu nànsha kàmwè pa wówù to. Pàdì muntu nè diitabuuja mu Nzambi, mmukwàte cintu kampàndà cidiye kàyì mwà kumvwija to. Ncintu kampàndà cidiye mukwàte. Yèyè kèna mwà kucisàka, anyi kucipuusa, anyi kucikòka. Cidi cìMukwàta. Mùshindù awu ke wùdì diitabuuja, pàdì muntu bulelèlè nè diitabuuja mu Nzambi, didi dipeta mushimi wùdì bakwàbò kabàyì bà mòna to.

⁶⁷ Díyì Dyèndè mmwelè wà mvità. Ke cidi Bible mwambè. Nwèñù baswè nnùleedilèku, cidi—cidi ng'Ebèlù 4.12, bu mündi nè cyena-bwalu cífunda. Bible mmwambè nè: “Díyì dyà Nzambi nditwè kutàmba mwelè wà mvità wà nseke yibidi.” Bikèngela bwà mwelè wà mvità ewu ùkwàciibwè ku cyanza cyà diitabuuja. Cyanza cyà tèòlòjì kacyàkuwùkwàtakù to. Bìdi bikèngela cyanza cyà diitabuuja, cìlongèshìibwe mu bintu byà nyumà, cidi cìmanyè Nzambi.

⁶⁸ Kàbìdì, mbifwànyine, mündi mufwànyine kwamba cyòci eci. Udi witabuuja nè Yesù wàkatàngila batèeleji nè wàkajingulula meeji àbò munyi? Bwalu Yèyè ùvwa Díyì. Tùteelàayi bikwàbò byà ku Díyì kaaba aka nè: “Nditwè kutàmba mwelè wà mvità wà nseke yibidi, Dijinguludi dyà meeji nè mapàngadika à mu mwoyi.” Yèyè ùvwa Díyì. Ke bwà cinyi Yèyè ùvwa mwà kujingulula meeji àvwa mu mwoyi wàbò.

⁶⁹ Makèèlèlè dilòòlò, mutwàcyàngàci, “ànu mwàkadìbi mu matùkù à Sodomà amu,” cyàkaleeja Muntu uvwa mwimàne mwaba awu, ùdya munyìnyì wà kànà kàà ngombe, ùnwà mabèèlè a ngombe, ùdya màntekà nè dyàmpà; mwimàne mwaba awu ùdya, muvwàle bilàmbà bu wèwè nè mèmè kùnu, nè nyimà Wendè mukoma ku ntentà, nè wàkajingulula cìvwa Sarah wèla meeji mu ntentà. Kabyèna bikèmesha to pààkaMubìikila Abraham nè Elohim, “Ewu udi Udikùmbanyina mu byònsò, Ewu udi wikalakù Nkààyèndè,” *Elohim*.

⁷⁰ Yesù wàkamba nè: “Ànu mwàkadìbi mu matùkù à Sodomà, ki mwikalàbi kàbìdì ku dyalukila dyà Mwànà wa muntu.” Neciikalè cintu ànu cìmwècimwè aci. “Mu matùkù,” nuvwa bamòne, “mu Sodomà mwàmwa” anyi? Mbambè mu Luukà 17.15, mbambè nè: “Piikalà matùkù à Sodomà, ke mwikalàbi kàbìdì ku dilwa dyà Mwànà wa muntu, pàdì Mwànà wa muntu munkaci mwà kubuuludiibwa.” Mu matùkù àdì Mwànà wa muntu ùbuuludiibwa bu mùvwàYe ku Sodomà, cintu cìmwècimwè aci necyènzekè.

⁷¹ Tudi tujandula nè kapyà nkalongolola, matùngà àkaadi malongolola, batangadiki bàkaadi bayè ku myaba yàbò, nè dipà dyònsò nditèèkìibwe mu bulongàme. Kabyèna bikèmesha to mùvwàbi bikèngela twètù kwikala banà nukidi's! Kabyèna bikèmesha to mùvwàbi bikèngela bwà twètù kwikala basùminyine! Tudi nè kiipàcìlè kàà kukùmbajila Nzambi,

mbwena kwamba nè, kubìikila Mukàjì-musèla wa Yesù Kilistò bwà kupàtuka mu màngumba ônsò, kuumuka mu bantu bônso, kuvwijibwa cisàmbà citàpùlùke bwà Nzambì.

⁷² Mwena Ngèlikà ewu ùvwa muumvwe mèyì aa. Yèyè kuitabuuja. Ùvwa nè bipumbishi byàbùngì, kàdi diitabuuja dyèndè kadìvwakù nànsha nè cìmwè to. Diitabuuja kî ndimanyè cipùmbishi nànsha. Diitabuuja dyèndè kadìvwakù nè cipùmbishi to. Yèyè ùvwa naabi, kàdi diitabuuja dyèndè kadìvwa naaci to. Udi mwà kwikala nè bipùmbishi, kàdi, wèwè nè diitabuuja, kî ndimanyè dicìmunyibwa to. Nditwishibwe. Tùtàngilàayi bìmwe byà ku bipùmbishi byèndè, ànu bwà katanci kakesè cyaanà.

⁷³ Bàmwè bàà kùdìbo bàvwa bafwànyine kwikala bambè nè: “Vùlukà nè, wèwè udi wa mu cisà cishìllàngàne. Wèwè udi mwena Ngèlikà, mwena Syrophénicie ku dyèbè ditùnga. Yèyè mmwena Yuda.” Mu ngaakwilù mukwàbò, leelù ewu nudi bafwànyine kwamba nè: “Dìngumba dyènu kadyèna munkaci mwà kwenza ditàbuluja edi to.” Kî mbishìllàngàne to, dìngumba dyènu adi, nànsha dyòdi dishìllàngàne anyi to. Mukàjì awu kààkatàngila nè divwa dìngumba dyà nganyì to. Yèyè ùvwa muntu mufùkiibwe kùdi Nzambì, nè ùvwa nè dikengela kampàndà, nè ùvwa nè diitabuuja nè ùvwa mwà kudìpeta. Nànsha dìngumba dyèndè dyèllàngàne dibòko anyi to, kacivwa cishintulula cintu nànsha cìmwè to. Yèyè wàkaasa lwendu.

⁷⁴ Yèyè ùvwa mwà kwikala mupete mudyudi mukwàbò uvwa mufwànyine kwikala mutwilàngàne nendè mu njila, nè bàmba nè: “Mòna’s, matùkù à bishimà àkaadi mamanè kupita. Katùcyèna kàbidì nè bishimà to.” Awu ùvwa mufwànyine kwikala mwena Yudà, paanyimà pàà yèyè mumanè kubwela, mu ditùngà edi mùvwà Yesù ùsanganyibwa amu, kusabuka kukabwela mu Ngalèlè amu. “Matùkù à bishimà àkaadi mamanè kupita. Cintu bu nàнку kacitukù to.” Yèyè ùvwa ànu munànkidi. Ùvwa musùminyine. Mikàlù yà cyena màngumba kayàkamwimanyika to, nànsha ewu yònsò uvwa witabuuja nè matùkù à bishimà àkaavwa mapite. Ùvwa mumanye bishìllàngàne. Cintu cyà kumpàlà, ùvwa nè cintu kampàndà munda mwèndè, civwà cìmwambile nè ùvwa mwà kupeta cìvwàye mulòmbe aci.

⁷⁵ Kaa, bantu wa yààya, dilòlò edi, bu nwènu ànu mwà kulama aci mu mwoyi wènu, nè Nzambì ùdi kaaba aka bwà kukupèèsha dijinga dyà mwoyi wèbè! Bu wèwè mwà kukùmbaja mishìngà Yèndè, kakwèna cintu nànsha cìmwè cyàkàndameenà nànsha.

⁷⁶ Kùvwa kufwànyine kwikala musùmbà wà bakàjì balwè kùdiye, bàmba nè: “Tàngilà, Mwanèètù wa bakàjì Lydia,” anyi cyònsò cìvwà dìnà dyèndè difwànyine kwikala aci: “udi umvwa nè bàyeebè neàkulekèlè wèwè mwenzè cintu eci anyi?” Kakùyì mpatà to yèyè ùvwa munangè bàyèndè, kàdi kàvwa mwà kwela

mulawu anyi kubènesha Cìvwà munda mwèndè aci to. Cintu kampàndà cìvwà cyàmba nè, mwanèndè wa bakàji ùvwà ùpunga nè lufù nè ciseki nè bìvwà bikèngela bwà kufikayè kùdì Yesù, nènku, pàakafikàye kuntwaku, cintu kampàndà cìvwà nè cyà kwenzeka, ìkalè nè bàyèndè anyi kùkadi nè bàyèndè.

⁷⁷ Bàmwè bàà kùdìbo bàvwà bafwànyine kwikala bambè nè: “Èè, ciwènzà ncinyi nè mwànà mutàcìshìibwe ewu byòbì bipangile?” Kàdi ùvwà mumanyè nè kacìvwà mwà kupangila to. Cintu kampàndà cìvwà munda mwèndè, cìvwà cimwambile nè kacýèna mwà kupangilakù to. Bu nè Yèyè ùvwakù Nzambì, Ùdi ùshààla ànu Nzambì. Kacyèna mwà kupangilakù to. Ki bwà cinyi, yèyè ùcìvwà ànu musùmìnyine.

⁷⁸ Pashìishe bàmwè bàà kùdìbo bàvwà bafwànyine kwikala bambe nè: “Cijèngù cyùdì wa mu cyòcì aci, mu kasùmbù aku, necikusekè.” Bàsekè anyi bàbèngè kuseka, kabyàkashintulula cintu nànsha cìmwè to. Cintu kampàndà cìvwà munda mwèndè! Yèyè ùvwà ànu musùmìnyine.

⁷⁹ Bàmwè bàà kùdìbo bàvwà bafwànyine kwikala bambè nè: “Wèwè’s newìpaciibwè mu èkèleeziyà webè.” Mwela pambèlu anyi kàyi mwela pambèlu, ùvwà mu njila, cintu kampàndà cìmukòka kùdì Yesù! Kakùvwà cintu nànsha cìmwè mwà kwimana mu njila wèndè to, kakùvwà bipùmbishi nànsha. Yèyè ùvwà musùmìnyine. Cintu nànsha cìmwè kacýàkiimana mu njila wèndè to.

Ndekeelu wa byònsò kufikayè mwaba wùvwàYe ùsanganyiiibwa awu.

⁸⁰ Bantu bààbùngì bàtu bèèla meeji nè: “Ànu bwalu wèwè udi mufikè mwaba ùdìYe awu, nkujikè.” Aci’s ncyà mafi. Yèyè ùdì mwà kulwa mu nzùbu emu dilòòlò edi nè kuDìleeja nè mwoyi, paanyimà pàà bidimu binunu bibìdì, ku bintu byàkalayàYe bwà kwenza mu ditùkù edi. Yèyè mmucýènzè makèèlèlè dilòòlò. Ùdi wènza dilòòlò nè dilòòlò dyònsò. Ùdi wènza myaba yònsò. Ùdi ùjaadika nè Yèyè ùcìdì ànu nè mwoyi. Nè wèwè udi mufwànyine kwikala mu Bwikadi Bwèndè, kàdi kì nkwanji kujika to. To, mukalenge. Míngà misangu udi utwilangana nè lutàtu paùdì ubwela mu Bwikadi Bwèndè. Yèyè wàkatwilangana naalù.

⁸¹ Pàakafikàye, dībà adi ke Yesù kwamba nè, Yèyè kàvwà “mutùmiiibwe” kùdì cisà cyèndè to. Ewu mene uvwayè mulwè wènda ùmwitabuuja awu, è kumudyombolayè. Edi’s ndìleesònà. Ewu mene uvwa . . . Yèyè ùkaavwakù mupìcile mu biibi byònsò ebi, byà tunyinganyinga nè dyediibwa dyà màyi ku makàsà, nè bikwàbò byònsò, bwà kufika kuntwaku, ku Cintu kampàndà cìdì cìtùtuka munda mwèndè amu, cìmwambila bwà kuyayè; pàakafikàye kuntu kùvwàYe aku, Yèyè wàkamudyombola, byà bibiyabibyalà. Kàdi pa kuumusha aci, Yèyè wàkamba nè cisà cyèndè cìvwà ànu musùmbà wà tubwà. “Kì mbikùmbàne bwà

Mémè kwangata dyâmpà dyà bânà bwà kunùdìisha nwènù mbwa to.”

⁸² Ambàâyìbì tǔng bu Yèyè mubiikile beena—beena Mpenta nè: “mbwa”? Ekèlekèle, ncyèna mumanyè cìvwà mwà kwikala cyenzèke to. Ambàâyì tǔng bu nè Yèyè ùvwà mwambè nè: “Mbwa yà ba-Méthodistes, mbwa yà ba-Baptistes”? Ku wanyì mmwènenu, nùnkù mbaalukile bakambile mpaasàtā nè ùvwà ànu mubinge’s, kakùvwà cintu nànsha cìmwè kùdì Muntu ewu to. Kàdì wèwè mukwàte, nè cintu kampàndà cikukwàte, nebiikalè bishiilàngàne.

⁸³ “Ncyèna mutùmìibwe kunùdì nwènù cisà cyà mbwa to. Kì mbikùmbàne bwà Mémè kwangata dyâmpà dyà bânà nè kunùpèèshadi to. Mémè ncyèna mutùmìibwe kunùdì nwènù to. Ditabuluja dyènù kì ndyà, beena dyèbè kì mbàdì bàtùùla mfrangà bwà cyòci eci to, nè mémè ncyèna mutùmìibwe kunùdì nwènù to. Nènku kì mbikùmbàne bwà Mémè kwangata dībà Dyànyì kudijimija bwènù nwènù to, panùdì ànu tubwà twà menemene etu. Kàdì mbwà cinyì bùmvwà nè cyà kunùjimijila dībà Dyànyì?” Ndifwishiibwa dyà bundù kaayì dīvwa nè cyà kwikala kùdì mukàjì uvwa kàyì nè diitabuuja, uvwa kàyì mwangàte dipàngadika awu’s wè! Kaa, bu èkèleeziyà mwà kumònakù ànu ciinè aci’s wè! Kàdì yèyè ùvwà ànu kacya wàkwàta.

⁸⁴ Yèyè kàvwà ci—cikùnyìibwe cyà mu nzùbu cìvwàbo nè cyà kwikala bèngeleka nànsha, cìmwè cyà ku binùtù nupwìdijilapu bwanga abi, nudi bamanyè’s, bwà kulama biishiishi abi kule naaci. Cikùnyìibwà cìmpè cìdì nè bukolè bwà mubidi, kabyèna bìkèngela bwà wèwè kucìpwìdijila bwanga to. Cikùnyìibwà cìmpè cìdì nè bukolè bwà mubidi, cìshiishi kacýèna mwà kufikakù to, ncyùle tètè nè bukolè bwà mubidi.

⁸⁵ Nènku diitabuuja dīmpè dilediibwe cyàkàbìdì mu Nzambì, diitabuuja dilelèlè dishùwashùwàlè dyà Nyumà Mwìmpè, cintu nànsha cìmwè kacýàkudìpingaja paanyimà to. Kacyèna mwà kwenza nànkù to. Dìdì dinànukila. Diyaaya ku kiipàcìlā kàdì Nzambì mudilayè. Kakwèna cintu nànsha cìmwè cìikalā mwà kudìpingaja paanyimà to. Diyaaya ànu kuya nànsha bishi. Eyowà, yèyè kàvwà musopakaja to.

⁸⁶ Leelù ewu, byònsò bitùdì naabi mbisopakaja. Nwènù bàdì bààkula bwà ditalà dyà cìtùkùtùkù, ndi ndimòna pa bimanyinu bìdì pambèlu apa ebi. Kì ndìmpè to. Dìdì dìshebeya bantu. Tàngilàayi mu *Reader’s Digest*, mmwambè nè: “Bakàjì bóbò ànu batungùnùke nè kudìdyà, cyènzekà ncinyì, kabààkulela kàbìdì bânà bààbò to, mu bidimu makùmi àbìdì kuumukila ku mpindyewu. Kabààkwikala bakùmbàne bwà kulela bânà bààbò to.” Cìdì cìdikòsolola, too nè mwìkalā kànsèrè mwà kubàkwàta. Kaa, byònsò, cintu cyònsò mu kaabujimà ncìdyà kùdì cìshì.

Aci's cidi bulelèlè cituuta bintu byà maalu à mamanya, byà dilondangana dyà nshintulùkìlù abi, cìbyèla pambelu.

⁸⁷ Yesù wàkamba, Nzambì wàkamba, ku cibangidilu nè: "Dimiinu dyònsò òwulanganè bilondèshile mùshindù wàdì." Wèwè mwangàte ditalà dyà citùkùtùkù, mudisopàkàje, kàdì è kudikùna; kukùnà ditungù òmwèdimwè adi cidimu cyàlondà, kwàkupeta cintu nànsa cìmwè to. Udi nè lutete lùdì lùtamba kumwèka lwìmpè, kàdì kwèna nè cintu nànsa cìmwè to. Mbasopàkàja bintu byònsò, pa buloba.

⁸⁸ Wèwè mwangàte kampundu; nè, anyì mwangàte mpundà mulùme kàdì kumusambakaja nè kàbalù kakàji, udi upeta kampundu, kàdì kampundu aku kakèèna mwà kulelangana pààkù to. Kòkò nkapangi kàà menemene ku byònsò byà pa buloba. Ntu mutwendèshe, matùkù ànyì ónsò à mwoyi mwab'ewu, nè... nekìindilè too nè mu kasuna kàà ndekeelu kumpàla kwa kufwa, bwà kukutwà cikònu. Kí nkamanyè cintu nànsa cìmwè to. Kwèna mwà kukàlongeshakù cintu nànsa cìmwè to.

⁸⁹ Paùdì wakula naakù, kòkò's kàdì ànu bu beena Kilistò bààbùngì bàà ku dìnà abu nè macì mabàwula nè: "Hin? Han?" Katwèna nànsa... Tùdì tùdila, kàdì katùyì tumanyè cìditu tudidila. "Matùkù à bishimà àkaadi mamanè kupita. Cintu pààci nè ndyondopa kacitukù to." Kàdì angàtaayi cintu cilenga... Yèyè kí mmumanyè kùdiye mufùmine to. Yèyè kí mmumanyè nè papa anyì maman n'nganyì to.

⁹⁰ Kàdì kàbalù kashùwashùwàlè kakùna ku dikàsà nkamanyè nè papa wakù ùvwa nganyì, maman wakù ùvwa nganyì, nè kakwèndè mulùme nganyì, tatwèndè wa kakwèndè mulùme, tatwèndè wa tatwèndè wa tatwèndè wa tatwèndè, too nè ku ndekeelu aku. Nkamanyè kùdiku kafùmine.

⁹¹ Ke mùdì kàbìdì mwena Kilistò mushùwashùwàlè muledìbwe cyàkàbìdì mumanyè kùdiye mufùmine. Wèndè muji kawùvwa nè John Wesley, Luther, anyì muntu kampàndà mukwàbò to. Wàkabanga mu Ditùkù dyà Mpenta, pààkalwà Nzambì Yèyè mwìnè munkaci mwà bantu Bèndè. Kàdì's Yèyè ùdì Dìyì dimwènèshìbwe. Udi mwà kumwambila Dìyì, nè yèyè neàmbè nè: "Amen!"

⁹² Mukwàbò wàmba nè: "Mèmé ncyèna mumanyè Aci to." Nudi numòna mpundà awu, musopakaja anyì? Nwamònu's, kí mmumanyè kùyaayàye to, kí mmumanyè kùdiye mufùmine to. Udi mu mùshindù mubì be.

⁹³ Mukàji awu kàvwa wa mùshindù awu to. Kàvwa mucì musopakaja to. Ùvwa mukwàte ku cintu kampàndà. Kabìvwa bìkèngela bwà wèwè kumusengeleela to nè kumupwìdijila bwanga, kwamba nè: "Mpindyewu, munanga wanyì, bu wèwè mwà kuswà, mpindyewu lekèlè nkusèngèlèlèku. Bìvwa

bikèngela bwà wèwè kupweka.” To, mukalenge. Muntu nànsha umwe. Bintu byònsò biteeta kumupangisha.

⁹⁴ Mwena Kilistò mulelèlè ùdi ùlwangana mvità bwà kaaba kèndè. Bikèngela imanè pàà nkààayendè, yèyè nè Nzambi, nè ùlwangana mvità bwà katùpà nè katùpà kònsò kàà buloba, pa nànkù kabyèna bikèngela bwà wèwè kubàsèngeleela to.

⁹⁵ Ke lutàtù lùdi naalù èkèleeziyà wa beena Mpenta leelù ewu ndwòlò alu, tudi nè bânà bàà mu mabòkò bàà cyena Mpenta bàcidi ànu bamyaminyiibwe màyi nè bapùùdijìibwe *cikampàndà* nè *cikansanga*, nè *cikankènga*, too nè mùdìbo bàshààla mùsùmbà wà basopakaja. Cidi citùkèngelà leelù ewu ndikezula dyà nzùbu, kuumukila ku cyambilu too nè—nè mulami wa ku ntempèlù, nè kubangulula cyàkàbidi, nè kufikisha ndambù wa diitabuuja dishùwashùwâlè ku dilediibwa munda mwà bantu. Èyowà.

⁹⁶ To, yèyè kàvwa musopakaja to, bu mùdi dinowa dyà beena kwitabuuja bàà ku dînà leelù ewu aba. Cyàkenzàye ncinyi? Wàkiitaba nè Yèyè ùvwa mubingè, Dìyi adi.

⁹⁷ Nè diitabuuja ditu misangu yònsò ànu diitaba nè Dìyi ndilelèlè. Amen. Diitabuuja dyèbè dyòdi kadìyi ditwa *amen* ku Dìyi dyònsò dyà ku Dìyi dyà Nzambi to, kùdi cintu kampàndà cipampàlà mùke mu dilabula dyèbè. Bible mmwambè nè: “Yèyè ùdi umweumwe awu makèèlèlè, leelù, too nè kashidi.” Dyòdi kadìyi ditwa *amen* ku cyòci aci to, dîbà adi kùdi cintu cibì. Yesù wàkamba nè: “Byenzedi bîNdi ngèna nenùbyènzè pèènu.” Dyòdi kadìyi ditwa *amen* ku cyòci aci to, dîbà adi kùdi cintu kampàndà cibì. Dyòdi kadìyi ditwa *amen* ku mulayi wònsò wà Dìyi dyà Nzambi, kùdi cintu kampàndà cibì.

⁹⁸ Wakiitaba nè Yèyè ùvwa mubingè. Wakiitaba nè kavwa cîngà cintu to ànu mbwa wetù ewu. Kàdi yèyè ùvwa wènda ùkèbangana nè tusùnsùkilà.

⁹⁹ Kabivwa bifwànyine kwikala twètù to. Kaa, to. Twètù bìdi bikèngela bwà twikalè basòmbe pa nkwasà, nè: “Bòbò kabàyi bangaakidile mèmè dilòlò dyà kumpàlà adi to, ncyàkwalukila dilòlò didi dilondà to.”

¹⁰⁰ Mpindyewu, nwamònu’s, kaa, ndishìilangana kaayipu divwàye’s wè. Mutèeka paanyimà, nè musàkila paanyimà, musàkila pambèlu, mutèeka pambèlu, cyònsò cìvwàci aci, yèyè ùvwa mwangàte dipàngadika. Wàkanànuukila, ùvwa musùmìnyine. Cintu kampàndà munda mwèndè amu, cyàkamwambila nè ùvwa nè cyà kucipeta nànsha yèyè mushààle mwindile ntàntà bule kaayi, cìvwàye nè cyà kupicilamù aci. Ùvwa ànu mwà kucipeta nànsha bìshi. Yèyè ùvwa ùlonda bisùnsùkilà. Kàvwa dijinga nè cyàkudyà cilenga cibanjike cyà mundaamuunyà to. Yèyè nè: “Mbwa yìtu yìdya bisùnsùkilà mwînshì mwà mèèsà à mfùmù.”

¹⁰¹ Ke mùshindù wà kucyènza ngwòwò awu. Kwàngaci nkwasà mutùmbùke to; angàta nkwasà wa paanyimà. Kwènji...Ikàlà

wêwè ànu muntu mukesè awu. Mùshindù wà dibànda nkupweka, misangu yònsò. “Ewu udi udipwekesha neàbandishiibwè. Ewu udi udibàndisha neàpwekeshiibwè.” Mùshindù wà dibànda nkupweka, misangu yònsò.

¹⁰² Vùlukàayi nè, kacya yêyè kàvwakù mwanjì kumòna cishimà to. Ûvwa wa bàà Bisàmbà byà bendè, kàdi ùvwa nè diitabuuja.

¹⁰³ Ûvwa mwenzè bu ndumbà awu, Laahàbà. Wàkambila batentekedi abu...Yêyè kàakamba nè: “Indilà too nè pangààmònà Yoshùwà ùsaamuna nsukì yèndè. Cinyì, tulààlà twènù tònsò twà mäsàlaayi tùdi tùmwèka munyì? Anyì mmyelè yà mvità yà mùshindù kaayi yìdìbo bàlwangana naayi mvità? Bàdi nè byamù byà mudimu byà mùhindù kaayi? M’mvità yà mùshindù kaayi?” Wàkamba nè: “Ndi muumvwe nè Nzambi ùdi neenù. Abi’s mbîmpè bikumbàne bwànyì mèmè. Ndi dijinga nè luse.” Wàkiitabuuja.

“Diitabuuja dìdi difùma ku dyumvwa, nè dyumvwa dyà Dîyì dyà Nzambi.”

¹⁰⁴ Tàngilàayi nè: “Bwà edi dîyì, bwà edi dîyì,” mwàkambà Yesù, bwalu ùvwa munànùkile, nè wènda ùlwa.

¹⁰⁵ Mpindyewu, dyàmbedi, wàkaMubiikila nè: “Mwànà wa Davidì.” Mpindyewu bu...Yêyè ùvwa, bu muntu wa Bisàmbà byà bendè, kàvwa nè bukenjì kùdiYe bu Mwànà wa Davidì to. Kàdi pàakambàye nè: “Mukalenge,” Yêyè ùvwa Mukalenge wèndè, kàdi kàvwa Mwànà wa Davidì, kùdiye to.

¹⁰⁶ Ûvwa nè diseemena dijaalàme ku dipà dyà Nzambi. Nènku aci’s ke mùshindù wùmwèpelè wà kwakidila cintu kanà cyònsò, ngwà kuseemena mu mùshindù mujaalàme. Yêyè nguvwa wa kumpàlà wa bàà Bisàmbà byà bendè wakenzelabò cishimà. Diitabuuja dîtu diitaba nè Dîyì ndyà cyà bushùwà, ndidìpwekèsha nè kaneemu. Ke cyàmomùmwe cidiku leelù ewu, kujinga bwà kwangata luseke kanà lwònsò, ní mpenyì pònsò, “cìkolà mfikèku.”

¹⁰⁷ Nukààvwakù bamòne nè Martà, mu Bwikadi bwà Yesù, ùvwa musùmìnyine anyì? Marta, pàakapàtukàye, nànsha mùvwàye nè mwanàabò wa balùme uvwa muMunangè, nànsha mùkaavwàye mukàngùle nzùbu wèndè nè mushiye èkèleeziyà, nè bikwàbò, nè Lazàrò nè Yêyè bàvwa balundà; nè Lazàrò ùvwa mufwè, mu lukità, nè ùvwa ùsanganiiibwa munda amu mu matùkù ànaayi, mumànè kubanga kubola. Dyùlù dikaavwa dyupùke, misunya mimànè kulamuka ku mifùbà. Ûvwa mufwè.

¹⁰⁸ Mvwa nyiikilangana nè mukàjì kampàndà udi wa mu diitabuuja dikwàbò udi kàyi wìtabuuja nè Yêyè kàvwa mutàmbe ànu mupròfetà anyì muntu mwîmpè to.

¹⁰⁹ Nèngiitabè nè Yêyè ùvwa mupròfetà. Kàdi, Yêyè ùvwa mutàmbe nè mupròfetà, Ûvwa Nzambi wa bapròfetà. Yêyè ùvwa

baprophetà bônso abu, bàvwà munda Mwèndè, kusangisha nè Nzambi, nè byônso abi pàmwè byàkaMwenza.

¹¹⁰ Tuvwa twenda tupweka, dilòlò kampàndà, yèyè kwamba nè: “Bu mèmè mwà kukujaadikila, Mukalenge Branham!” Yèyè nè: “Ndi mwangulè cilèma ànu cìmwèpelè mu Mukenji wèbè.”

Mèmè nè: “Ndi ntèkemena nè Mukalenge ùdi, mmupetè cilèma ànu cìmwèpelè, cìdì cìsanganyibwa kùndì.”

¹¹¹ Yèyè nè: “Wèwè udi utàmbe kuzànjika Yesù be.” Yèyè nè: “Udi—udi uMuvwija Nzambi.”

¹¹² Mèmè nè: “Yèyè’s ùvwa Nzambi. Bu nè Yèyè kàvwa Nzambi to, Ùvwa museeswishi mutàmbe bunène ukààdikù kacya bàà pa buloba bapetè.”

Yèyè nè: “Udi uMuvwija Nzambi.”

Mèmè nè: “Yèyè’s ùvwa Nzambi.”

“Kaa,” mwàkambàye, “Yèyè’s ùvwa—Yèyè’s ùvwa muntu mwîmpè.”

¹¹³ Mèmè nè: “Yèyè’s ùvwa mutàmbe nè muntu mwîmpè. Ùvwa Nzambi. Ùvwa Nzambi.”

Yèyè nè: “Mèmè nènkujaadikilè, ku Bible webè sungasunga awu nè, Yèyè kàvwa Nzambi to.”

Mèmè nè: “Mmunyi mùdì mwà kucyèenza?”

¹¹⁴ Yèyè nè: “Mu Yone Munsantu, nshapità wa 11, pàakayà Yesù ku lukità, bwà kubiisha Lazàrò ku lufù, Bible mmwambè nè: ‘Wàkadila mwadi.’”

Ke mèmè nè: “Ke wèbè Mufundu awu anyi?” Mèmè nè . . .

“Èyowà’s.”

Mèmè nè: “Udi mupangile . . .”

Yèyè nè: “Mmunyi mùdìYe mufwànyine kudila kàdi kwikala Nzambi?”

¹¹⁵ Mèmè nè: “Ùvwa muntu nè Nzambi byônso bibidì. Awu’s ùvwa mmuntu uvwa udila mwadi, cyà bushùwà. Nèngitabè nè awu ùvwa muntu ùdila mwadi. Kàdi pààkiimanàYe ku luseke lwà lukità aku, kwolola mubidi Wèndè mukesè mutekètàngàne awu, è kwambayè nè: ‘Lazàrò, pàtukà,’ nènku ke muntu mumanè kufwà, matùkù ànaayi majimà, kwimanayè kuulu nè kwalukilayè cyàkàbidì ku mwoyi, awu’s ùvwa mutàmbe nè muntu.” Èyowà’s, mukalenge.

¹¹⁶ Dibola dyàkamanya mfùm wàdì. Musùukà wàkamanya Mufùki wawù. Kàdi’s yèyè ùvwa mu lwendu lwà matùkù ànaayi mwaba kampàndà; ncyèna mumanyè kùvwàye to, nànsha wèwè pèèbè. Kàdi, nànsha nànkù, pààkaakulàYe, yèyè wàkapàtuka. Amen. Aci’s civwa citàmbe nè muntu.

¹¹⁷ Ùvwa muntu pààkatùulukàYe ku mukùnà, dilòlò adi, paanyimà pàà Yèyè mumanè kulwa, mwikàle nè nzala; è

kupwekayè wènda ùkènzakana ku mici, bwà kupeta cintu kampànda cyà kudyà, ùkènzakana ku mucì kampànda, pààkeelàYe mucì ùvwà kawùyi nè mamuma awu mulawu. Ùvwà muntu pàvwàYe nè nzala. Kàdi pààkangatàYe mampà àtaanu nè mishipa yibidì, nè kudìisha bantu binunu bitaanu, kukùngwijabò bisakà mwandamutekètè byùle tètè nè bisùnsùkilà bìvwà bishààle, awu's ùvwà mutàmbe nè muntu. Ke cyòci aci's.

¹¹⁸ Ùvwà muntu pàvwàYe mulààle pa màyi apu dilòòlò adi, mu ndekeelu mwà bwâtù. Bukolè bývwa bupâtùke munda Mwèndè, ditùkù dijimà adi, munkaci mwà kuyiisha, nè kwondopa babèedi; bukolè bùumuka kùdiYe, bùumukila ku bantu, ku dijingulula dyà meeji mu mwoyi wàbò. Nè démons binunu dikùmi yà mu mbù midicìpe bwà kuMushipa mu màyi amu dilòòlò adi. Kaabwâtù kakesè kàà kale kenzè bu cijikù cyà mùlàngi kuntwaku, kàbànda kàpweka. Dyabùlù kwambayè nè: “NgààMupeci mpindyewu.” Nè bìvwà bimwèka ànu bu nè kùvwà kujikè. Kàdi mmwenzè ànù ujuuka anyi, kwimana kuulu è kutèka dikàsà Dyèndè pa mushishì wà bwâtù, è kutàngilaYe muulu è kwamba nè: “Ditalala, pùwayi,” ke bipeepèlè nè mavwala kuMutùmikilabi, awu's ùvwà mutàmbe nè muntu. Ùvwà n'Nzambi.

¹¹⁹ Yeyè ùvwà muntu pààkeelàYe lubilà ùlòmba luse, ku nkùrusè, mbulelèlè. PààkelàYe lubilà ùlòmba màyi à kunwà nè kuMupèeshabò mvinyò wa bwanji, awu's ùvwà mmuntu. PààkafwàYe, ùzòza mashi, ùdila mwadi, mupoopèdiibwe ku nkùrusè, Yèyè ùvwà muntu. Kàdi mu dindà dyà Paasàkà pààkacibulàYe bibwikilu byà lukità nè kubìika ku lufù, nè kwamba nè: “Ndi Ewu uvwa mufwè, kàdi mwikàle nè mwoyi kashidi nè kashidi,” awu's ùvwà mutàmbe nè muntu. Ùvwà n'Nzambi mu muntu, Mwan'Èndè.

¹²⁰ Kabyèna bikèmesha to, Marta nè dyumvwa edi, ùvwà musùminyine mu Bwikadi bwà Yesù. Yèyè nè: “Bu Wèwè mwikàle mwaba ewu nùnkù mwanètètù wa balùme kì mmufwè to. Kàdi nànsha mpindyewu, cyònsò cyùdi Wèwè ulòmba Nzambi aci, Nzambi nèaKupèeshèci.”

¹²¹ Kaa, bu twètù ànu mwà kwangatakù mèyi awu mu myoyi yètù dilòòlò edi's wè! “Ndi mumanyè nè ndi musòmbe mu dikalù dyà balèmà. Ndi mumanyè nè ndi nè kànsèrè, ndi nè disaamà dyà mwoyi, cyònsò cidiku aci. Ndi mumanyè nè ngàngabukà ùdi wàmba nè díbà dyànyì dyà ndekeelu dikaadi pabwìpi. Kàdi nànsha mpindyewu, Mukalenge!” Cyònsò cyùdi wèwè ulòmba Nzambi aci, Yèyè nèacyènzè. Nè Yèyè mmusòmbe ku dyàbalùme dyà Mutàmbe Bunène, bwà kutwàkwila pa ditonda dyètù. Ikàlà ànu munànukidi mwàkadi Marta amu.

¹²² Bìvwà bimwèka bu nè Ùvwà mumudyombòle. BaMutùmine mikenji, kàdi Yèyè kàakaya to. KuMutùminabò kàbidì mikenji,

Yèyè kààkaya to. Ndekeelu wa byònsò, paanyimà paa yèyè mumanè kujiikiibwa, matùkù ànaayi, s'ki Yèyè ewu. Kàdi yèyè ùcìvwa ànu munà nukidi. Ùvwa mukwàte cintu kampàndà. Ùkaavwa mumòne byenzedi Byèndè nè ùvwa mumanyè nè ùvwa n'Nzambì. Ùvwa mumanyè nè ke mùvwàbi. Ùvwa munà nukidi. Ùvwa mupetè cìvwàye ùlòmba aci.

¹²³ Mukàji mwena Suunèmà awu, kumpàlà kwà Eliyà, ùvwa munà nukidi. Kaa, mwànà awu ùvwa mufwè, nè mulààdika pa bulààlù bwèndè. Ke Eliyà kuteetayè bwà kwangata dikombo dilaaba nè kuditùma, kùdi Gehazi, bwà kuditentekelayè mwànà awu. Kàdi diitabuuja dyèndè kadivwa mu citùpà cyà mucì aci to, divwa mu mupròfetà. Ùvwa mumanyè nè Nzambì ùvwa munda mwà mupròfetà awu, bwalu ùkaavwa mumòne mèyi àkambàye ènzeka. Yèyè ùvwa mupròfetà mushindika, nè ùvwa mumanyè nè cyàkambàye aci ncifùmìne kùdi Nzambì. Ke yèyè kwamba nè: “Bu mùdi musùkà wèbè nè mwoyi, ncyàkukushiya to too nè pangàajandulà nè mbwà cinyi.” Nènkù kushààlayè nendè. Ùvwa munà nukidi too nè pààkapetàye cìvwàye ùlòmba aci.

¹²⁴ Cidi cìmvùlwija, mwab'ewu ànu àbìdì àdi panshì aa, mukàji mutekète ùfùmìna ku Californie, pàncìvwà musòmbèle mu Jeffersonville. Kùkaadi bidimu bu bísàtù anyi binaayi nànkù awu. Ùvwa nè cyùjà cyà kànsèrè, nè cyùjà nkààyaaci cìvwà nè bujitu bwà kilò makùmi àbìdì nè yìbìdì nè citùpà. Bìvwa bìkèngela bwà kulwabò nendè mu nzùbu amu, kumusòmbeshabò paanyimà. Bòbò...Yèyè ùvwa mumanyè nè mvwa nè cyà kwikalamù dilòlòlò adi. Wàkadyàmbidila nè mvwa nè cyà kusambidila babèèdì. Kàdi mvwa mulwè ànu bwà kwakula nè batèèleji, pàmwàpa bùngì butùdi naabu kaaba aka dilòlòlò edi ebu. Paanyimà pàà mèmè mumanè kujikija dyakula...Bàmwè bàà kùdibo bàkaavwa bamwambìle nè: “Yèyè kèna ùsambidila babèèdì dilòlòlò edi to.”

¹²⁵ Kàdi yèyè ùvwa muswè bwà kumusambidila, kwambayè mu mwoyi wèndè, nè kwitabuuja. Ùvwa mu disangisha kumpàlà, ke yèyè nè: “Ndi ngèèla meeji nè bu Mwanèètù Branham mwà kunsambidila, ndi mufwànyine kwondopiibwa.” Nè dilòlòlò adi, balami bàbìdì anyi bàsàtù è kumupicishabò, nè kupàtukabò ku luseke lwà nzù...nzùbu awu, kunyùnguluka paanyimà, è kumulààdika ku ciibi.

¹²⁶ Ke mèmè kubanga kupàtuka nè Billy Paul, lwà paanyimà. Ke kunkwàcilayè ku mukòlò wà mùpanù, mùshindù awu. Yèyè nè: “Mwanèètù Branham,” yèyè nè, “mèmè ntu misangu yònsò ànu mwitabùùje nè bu wèwè mwà kulòmba Nzambì, Nzambì mmufwànyine kungondopa.”

¹²⁷ Mèmè kumutentekela cyanza, kwamba nè: “Nànkù, mwaneetu wa bakaji, bilondèshile diitabuuja dyèbè, bìkwenzèkèlè nànkù.”

¹²⁸ Ndambù wa ngondo paanyimà pàà cyôci aci, mêmè kutùutakeena nendè mu—mu disangisha kuntu kwàka. Ke yèyè wàwa, mwimàne nè bule bupwàngàne. Cyùjà cyà kilô makùmi àbìdì nè yìbìdì nè citùpà aci ciyè. Yèyè nè: “Nèmbwelè nè mukàjì kànà yònsò mwab’ewu mu cibambalu cyà divwàdila bilàmbà emu, nè kumuleeja ní ùdì mwà kumòna cibangu pambidi pàànyì mwaba kampàndà. Ke fòtò wanyì wa cìmvwà nyèyè ewu.”

¹²⁹ Cìvwa ncinyì? Nànsha wèwè mwikàle usambidila babèèdì anyì to, ùvwa munànùkile. Ùvwa mufùmìne ku Californie, bwà kwondopiibwayè, nè kàvwa mwà kwalukila mu mùshindù kampàndà mukwàbo to pa kuumusha kwikala mwondòpiibwe. Ùwa munànukidi.

¹³⁰ Ndi mvùluka mwàkambiikilàbo ku luseke lwà bulààlù bwà nsongàalùme kampàndà ùpunga nè lufù, múnwemu kùkaadi ndambù wa bidimu, nè disaamà dyà cilundu. Nè kabàvwakù baswè bwà mêmè kubwelamù to, bwalu mvwa nè bânà. Ngàngàbukà kwambayè nè: “Kwèna mwà kubwela muntwamu to, udi muntu musèlàngàne.”

¹³¹ Mvwa mumanyè nè yèyè ùvwa mwena Kàtòlikè, ke mêmè kwamba nè: “Bu—bu mwànà wa balùme awu mwikàle mwena Kàtòlikè, uvwakù mwà kulekela nsaserdòsè awu ùbwela anyì?”

Yèyè nè: “Èyo, kàdi yèyè—yèyè kî mmusèlàngàne to.”

Mêmè nè: “Ùtu ùkùmbula bânà, nè bikwàbò.”

Yèyè nè: “Kî mbwalu to, Mukalenge Branham.”

¹³² Mêmè nè: “Udi mufwànyìne kulekela nsaserdòsè ubwela nè umwenzela mishìngà yà ndekeelu. Eci’s ke mishìngà yà ndekeelu. Mwànà wa balùme awu ùdì ùpunga nè lufù. Ndekèlè nye kùdiye.”

¹³³ Èè, ndekeelu wa byònsò mêmè kumutwishisha. Ke yèyè kumvwàdika bu Ku Klux Klan, anyì cintu kampàndà, bintu byà mishindù yònsò pambidi.

¹³⁴ Nèku maamù mununu awu nè taatù bàvwa biimàne mwaba awu. Mvwa muumùke disangisha kampàndà, ke maamù mununu awu—awu nè taatù kwambabò nè: “Bu wèwè mwà kulwa kusambila, mwanàanyì neikalè nè mwoyi.” Nsongàalùme awu ùvwa nè bidimu bitwè ku dikùmi nè mwandamutekète, dikùmi nè mwandamukùlù. Ùvwa nè cyamù cyà diteeta naaci mwoyi, màshinyì kuntwaku, à mùshindù kampàndà. Lungènyi lùvwa lumujìmije munda mwà matùkù àbìdì anyì àsàtù, kàdi kàvwa mumanyè cintu nànsha cìmwè to. Maamù nè taatù kungaakidilabò pangàbwedi apu. Mêmè kutwà binù è kusambila disambila dikesè dipwekèlè dyà diitabuuja.

Mêmè nè: “Mukalenge, udi witabuuja Nzambi anyì?”

¹³⁵ Yèyè kwamba nè: “Nè mwoyi wànyì wònsò, cintu cìmwèpelè cìndì muswè bwà wèwè kwenza nkulòmba Nzambi. Nzambi nèàcìfilè.”

136 Mémè kwamba nè: “Twasàkidila, mwanèètù wa balùme, bwà dyeyemena dyèbè. Ncyênakù muswè bwà kuditungila to.”

137 Mémè kutentekela mwânà mukesè awu byanza, nè kusambila nè: “Mukalenge Yesù, enzàku bwà nè diitabuuja dyà taatù nè dyà maamù ewu didisangè nè dyànyì mémè, nè dilwe kumpalà kwà nkwasà Webè wa butùmbi dilòòlò edi. Mwânà wa balùme ewu ìkalè nè mwoyi nè kàfù to, bwalu tudi twitabuuja. Mu Dîná dyà Yesù.”

138 Twètù kujuukila kuulu. Ke taatù kwololayè byanza nè kuupukilayè maamù awu ku kaamù kàà kale kàà bisùlusulu, cintu civwàye wèyèlamù, ke kwambayè nè: “Maamù, ebi kí mbilenga bilayà anyi? Ebi kí mbilenga bilayà anyi? Kaa, s’mbilenga be!”

139 Nè mungàngà mukàjì mutekète awu mwimàne mwaba awu, ùvwa ùkèma. Kafulu kakesè aku kâmbà kumata ku mutù kwèndè. Kukènzakanayè, kwambayè nè: “Mukalenge, ncyèna ngùmvwa to. Mmunyi mùdì mwà kwenza maalù mùshindù awu, wèwè nè mukàjèèbè, pèndè mwanèèbè wa balùme ùpunga nè lufù?”

Yèyè nè: “Munanga wanyì, mwanàànyì wa balùme kèna ùfwa to.”

140 “Èè,” yèyè nè: “ngàngàbukà’s mmwambè nè ùvwa ùpunga nè lufù.” Kwambayè nè: “Aci,” cyònsò civwà màshinyì awu aci, kwambayè nè: “pàdì mwoyi wùpweka mùshindù awu, nè mubidi kapyà ewu, kacya kacitukù cimanyike, mu maalù-malonda, nè citukù cyalùkile nànsha.”

141 Ncyàdyàkupwàku mwoyi diitabuuja dyà nkambwà wa kale awu to. Ùvwa wa mu, ngèèla meeji nè, nkwaka wa A. B. Simpson awu. Kuseemenayè nè kutèekayè byanza pa makaaya, ùkaavwa nè bidimu bitwè ku makùmi àsambòmbò, kutentekayè byanza pa makaaya à mwânà mukesè wa bakàjì ewu, kumutàngilayè mu mpàla. Yèyè nè: “Munanga wanyì, udi utàngila ku màshinyì awu. Ke cyònsò cyùdì wèwè mmanyè bwà kutàngila. Kàdì ndi munkaci mwà kutàngila mulayì, wà nè Nzambì mmwambè nè Yèyè nèacyènzè.”

142 Mbilondèshìle ku cyùdì wèwè utàngila. Bàvwa buupukilangana, nè bacyònkòmoka mwaba awu, mwanèètù. Kàdì mmusèlàngàne, nè mpàndànjilà mu Àfrikè mpindyewu, nè bàná bàbidi. Bwà cinyi? Bwalu taatù nè maamù bàvwa mwà kushààla kacya bààkwàta dîbà divwa ditàmbe kwikala dyà mîdimà adi. Munànùkile! Èyowà’s, mukalenge, munànùkile! Ikàlaayi nè diitabuuja kùdì Nzambì!

143 Miikà mukesè ewu, kumpalà kwà bapròfetà bònsò nkàmà yinaayi abu balongesha, ùvwa munànùkile pàakapètaye cìkèèna-kumòna cyà kùdì Nzambì. Nànsha mùvwàbo... Yèyè ùvwa ùbènganganà. Kutwilanganabò nendè nè kumwambilabò

nè: “Mpindyewu netùkwalùjè mu nsangilu amu bu wêwè ànu mwà kwamba cintu cimwècimwè aci, wêwè, mùdibo bàmba.”

144 Yèyè nè: “Bu mùdì Mukalenge nè mwoyi, mémè nêngàmbè ànu cidiYe ùngambila bwà mémè kwamba aci.” Nè cikèèna-kumòna cyèndè aci cyàkakenkeciibwa ku Dìyì dyà Nzambì, nè wàkajikula cipròfeta cyèndè, nànsha bìshi.

145 Bòbò nè: “Netùmukùpè mu bùlokò bwà munda, nè netùmupèèshè tunyinganyinga, dyàmpà dyà kanyinganyinga, nè mâyi à kanyinganyinga.” “Kàdi pààpinganàbò,” wàkamba nè neàtangilè bwalu bwèndè, Aakàbà ngwàkamba awu.

146 Yèyè nè: “Wêwè ànu mwalùkile, Nzambì kí mmwakùle naanyì to.” Ùvwa munà nukidi. Yèyè ùvwa mumanyè mwaba wùvwàye mwimànyine.

147 Mpofo uvwa mwondòpiibwe kùdì Yesù awu kàvwakù mwà kukòkangana nè tèòlòjì wabò awu to. Bòbò nè: “Udi mukukàngùle mèsù nganyì?”

Yèyè nè: “Muntu kampàndà udi ubiikidiibwa nè Yesù wa mu Nazàlèetà.”

148 Bòbò nè: “Muntu ewu nngènzàmpèkààtù. Katwèna bamanyè kùdìYe mufùmìne to.”

149 Mpindyewu, yèyè wàkabàpèèsha dyandamuna dimpè. KwambaYè nè: “Nwènu’s nudi balombodi bàà ntèndeleelelù bàà ditùkù edi. Kàdi Muntu ewu’s mmumpèèshe lumònù lwànyì, kàdi kanùyì ànu bamanyè kùdìYe mufùmìne to.” Ùvwa nè wèndè tèòlòjì mwimpè wa dikèma. Kàvwa mwà kukòkangana naabò to. Kàdi ùvwa mumanyè cintu cimwèpelè, ùvwa mwà kumòna. Nè yèyè kàvwa nè bundù to. Tatwèndè nè mamwèndè bàvwa nè bundù bwà kwamba cintu kampàndà pa bwalu abu, kàdi kí n’yèyè to. Yèyè ukaavwa mucimòne. Ukaavwa mucyùmvwè. Ùvwa nè bipeta byàcì. Cintu kampàndà cìvwa cimwambile, nè yèyè ùvwa munà nukidi.

150 Filipò, mmwenzè ànu ùmòna, dileesònà dyà makèèlèlè dilòòlò adi, cinyì, pààkabàndàye mu Bwikadi bwà Yesù Kilistò, pààkamònàye wa ba Simonà...anyì mwanààbò nè Andèlè. Fil-...

151 Peetèlò kuseemenayè mu Bwikadi amu, ùvwa n’Simonà dībà adi awu, kulwayè mu Bwikadi bwà Yesù. Simonà ùvwa mulongeshiibwe, ku bwànà, nè Maasiyà ùvwa mwà kwikala mupròfeta. Pààkabwelàye mu Bwikadi Bwèndè, nè Yèyè wàkamwambila nè: “Dìnà dyèbè n’Simonà nè udi mwànà wa Yona.” Ùvwa munà nukidi. Ukaavwa dībà adi mudilongolole. Kulwayè mutù wa èkèleeziyà.

152 PààkaCimònà Filipino, ùvwa mumanyè mubadi mukwàbò mwimpè wa Bible uvwa mumanyè Bulelèlè. Ùvwa munà nukidi. Wàkanyùnguluka mukùnà è kumupetayè.

153 Nënku pàakalwà Natànàèlè, muntu wa luumù, mwena Ebèlù mulelèlè mene's, muntu, mwena Ebèlù wa lulamatu lwà menemene, muntu wa maalu malenga wa dikèma, wa meeji majaaname, ùvwa muntu munène. Kàdi mu bwikadi bwà mwakwidi wendè nè bwikadi bwà yònsò wa kùdibo, pàakamutàngilà Yesù kàdi kwamba nè: “mònaayi mwena Izàlèlèlè mwena munda mùdi kamùyì budimù nànsha,” yèyè nè: “Laabi, Udi mummanyè bishi? Ncítukù mwânji kuKumòna kwònsò eku to. Wàmanyì dínà dyànyì munyì?”

154 Yèyè nè: “Kumpàlà kwà Filipò kukubìikilayè, paùvwà mwínshì mwà mucì apu, Mémè mvwa mukumòne.”

155 Kupònayè ku makàsà Èndè, nè kwamba nè: “Wèwè udi Kilistò, Mwànà wa Nzambi udi nè mwoyi. Wèwè udi Mfùmù wa Izàlèlèlè.” Bwà cinyi? Ùvwa munànkidi kàyì ùcyùka cívwa ní nganyì nì nganyì mu kwàbò wèla meeji to. Wàkatwilangana nè Cintu cívwayè mubalè aci. Cívwayè mutèkèmène bwà kusangana mu Yesù aci, wàkacisangana.

156 Mukàji mukesè wa ndumbà wàkapàtuka ku ciinà cyà màyi, dínà ditùkù, bwà kusuna màyi. Ke Yesù ewu musòmbe, Muntu ànu wetù wa pàtupù ewu muvwàle bilàmbà ànu byètù byà pàtupù ebi, ùdya byàkudyà ànu byètù byà pàtupù ebi, wàkula mu mwakulu ànu wètù wà pàtupù ewu, ànu cyakwidi cyètù cyà mu mùsèèsù eci mùdi muntu kanà yònsò ewu wàkula. Nè mukàji awu wàkula Nendè; Yèyè kwakula nendè. Kusanganayè mwaba wùvwà cilèmà cyèndè, nè kwamba Yè nè: “Ndà ùkangàtè bàyebè kàdi ùlwe mwab'ewu.”

Yèyè nè: “Ncítu nè bàyaanyì bwàlà.”

157 Yèyè nè: “Wàmbi bimpè. Ukààvwa naabò bàtaanu, nè ùdi musòmbe nendè mpindyewu awu kì ngwebè to.” Lùkàsàlùkàsà dimiinu didyànjlà kulongolola adi mu mwoyi wèndè dyàkatuuta Mwoyi!

158 Dìbà dyàkatuutàCi Bàfaalèèsà, Cyàkashintulula cintu cijimà aci kushàalaci cifike. Kwambabò nè: “Muntu ewu m'Beelèzèbulà. Mmwena lubùkù.”

159 Kàdi yèyè ùvwa mumanyè nè Dìyì dīvwa “ditwè, nè bukolè kutàmba mwelè wà mvità wà nseke yìbidì, nè Dijinguludi dyà meeji à mu mwoyi.”

160 Yèyè nè: “Mukalenge, ndi njingulula nè Wèwè udi Mupròfètà. Katwèna bapetè nànsha umwe to kùkaadi bidimu nkàmà yinaayi. Ndi njingulula nè Wèwè ewu udi Mupròfètà. Kàdi tudi bamanyè nè pààlwà Maasiyà, Yèyè ngwatwàmbila maalu aa.”

161 Yèyè nè: “Mémè ke Yèyè udi wakulangana neebè ewu.” Ncyà bushùwà nè Yèyè wàkenza cishimà awu kì mmufwànyine kwamba mashimi to. Yèyè ùvwa Mupròfètà. Yèyè. . . Wàkamba nè: “Mémè ke Maasiyà awu. Mémè ke Yèyè awu, udi wakula neebè ewu. Mémè ke Yèyè awu.”

¹⁶² Mpindyewu teetaaku kumwimanyika's? Bu muntu mwà kwikala mu Esètè, nudi bamanyè's, muntu mu mùsèèsù kàvwa mmufwànyine kutèèleja ndumbà to. Kàvwa yèyè nè cyà kwamba to. Kàdi kuteetà kumwimanyika's, mbyenzè bu nzùbu mukwàte kapyà mu ditùkù dyà lupeepà lukolè, kwèna mwà kucyènza to. Kubwelayè buludì mu mùsèèsù, wènda wèla mbilà mikolè nè: "Lwàyi, kanùmonàayi Muntu Udi mungambile bintu bìndì mwenzè. Ewu kî m'Maasiyà mwinè anyi? S'ki Yèyè awu musòmbe pàapa wàwa ku ciinà cyà màyi mpindyewu awu. Ke Maasiyà mwinè awu. Tudi bindile bwà Muntu awu kulwayè, kàdi's ke Yèyè awu musòmbe. Yèyè mmùngambila bintu ebi." Bible mmwambè nè bantu bààkiitabuuja bwà bujaadiki bwà mukàji awu.

¹⁶³ Bwà kujikija, mûndì mufwànyine kwamba. Ndi mmòna bantu kampàndà bàà ba-Espagnole basòmbe mwaba ewu, mûndì mufwànyine kwamba nùnkù's. Mvwa mu Mexique wa kale, ànu àbìdì àdì panshì aa, ku—ku cipalu cyà manàyi kuntwaku, mwaba kampàndà wà mùshindù kampàndà. Katùvwa mwà kubwela mu cipalu cyà ngombe, anyi mu cipalu cinène, kàdi tuvwa nè mwaba kampàndà kuntwaku ùvwa bantu binunu byàbùngì bakùngwile. Mwanèètù Espinoza, ngèèla meeji nè mwanèètù wa balùme kampàndà wa mu Assemblée de Dieu, nwènù bônso nudi bamumanyè, ngwa mu Californie. Yèyè ùvwa mungandamunyi.

¹⁶⁴ Dilòlò divwà didyànjidile adi, kùvwa muntu mulùme mukùlākājì kampàndà mpofò mulwè pa cibumba cyà ku cyambilu, uvwa kàyikù mwà kumòna to nànsha kakesè. Mémè kumutàngila. Mvwa muvwàle bisàbaatà bimpè, nè bilàmbà bimpè. Muntu mununu mukwàte nè byà luse, muvwàle bikùsukusu, mùpanù musùnsùke wònsò, cifulu cyèndè cyà kale citelakajangana nè—nè, mùvwàci cimwèka's, bwàndà bwa kàpe. Nè yèyè ùvwa mpofò; nè mwedi mutòoke mulembèlèlè. Makàsà èndè manène à kale, à kale awu, nè pàmwàpa kàvwakù nè bisàbaatà ku makàsà to, munda mwà bidimu. Mwikàle nè lupwishi mubidi mujimà. Mpofò wetù wa menemene ewu. Mémè kumutàngila. Mémè kudyàmbidila nè: "Papa wanyi ùvwa mufwànyine kwikala wa bidimu ebi, bu yèyè nè mwoyi."

¹⁶⁵ Mémè kudifinda è kufika kùdiye. Mémè nè: "Wetwàwu!" Mwanèètù Espinoza kwandamunayè.

¹⁶⁶ Mémè kutèeka dikàsà dyànyì ku luseke lwà dyèndè, bwà kujandula. Kùvwa ridò mukesè mucyàmākàne ku cibumbà cyà ku cyambilu wa mwalàbàle misangu yinaayi anyi yitaanu kutàmba ewu nùnkù. Mémè kudyàmbidila nè: "Bisàbaatà byànyì byòbì bikumbàne, s'ndi mufwànyine kumupèèsha bisàbaatà byànyì." Kaa, makàsà èndè àvwa manènè bikolè kutàmba àànyì. Mémè kutèeka àànyì makaaya ku èndè, bu udi umwela mabòko àànyì, makaaya èndè àvwa maalàbàle kutàmba àànyì. Mémè kumòna dībà adi nè ncìvwa mwà kumupèèsha nkooci

wanyì to. Mémè kudyàmbidila nè: “Nzambi, cìndi mwà kwenza ncinyi? Mukwàcikwètù mukùlàkàjì mukwàte nè byà luse awu, pàmwāpa kàyi mupetèku cyākudyà cìmpè kacya bààmulela nànsha.” Kàdi’s ki yèyè awu, ùdya mampà à kale miimansha kuntwaku mwaba kampàndà; kàdi nànsha nànkù bikèngela kutùula mfrangà mikesè yìvwāye naayi ayi, bwà kupeta kàndeyi kàà mäfutà, bwà kukàteemeshila pa cyoshelu cyà ngòlò cyà cìyiila ndola mùliyô mujimà, bwà mpèkaatù yèndè, kusòmbela mu diitabuujà dyà mājimbu nè mīdimà yà mùshindù awu! Mémè kudyàmbidila nè: “Cikondo kaayi’s wè! Mmunyi mùdiku dyàkabi mwà kwikala mùshindù awu?”

167 Mémè kumwela dibòkò kunshìngù, kwela lubilà nè: “Éyi Nzambi, ikàlàku nendè luse!”

168 Yèyè kwela mukunda nè: “Butùmbi kùdì Nzambi’s wè!” Nènku lwà pa dībà adi mémè kukènzakana, yèyè ùvwa mwà kumòna bīmpè ànu bu mémè, ùpicila pa cibùmbà cyà ku cyambilu apu.

169 Nènku di—dilòòlò dyàkalondà patwàkabwela, kùvwa mushikì wà tulàmbà twà kale nè écharpes, nè bifulu, nè butùmbùke bwà metèlè umwè anyi metèlè umwe nè citùpà, mùshindù ewu, byungwile mwaba wònsò awu. Mmunyi mùvwàbo bàmanyà nè bìvwa byà nganyi? Nudi nwela meeji nè bóbò bàakacyùka anyi? Bààkalwa mu èkèleeziyà mu dindà adi pa dībà mwandamukùlù anyi citèemà jaajaaja, kabàyi nè myaba yà kusòmbabò to; ànu pambèlu apu, nè mvùla wùvwa munkaci mwà kwicikila, nè kacya ànu beeyèmènàngane muntu nè mukwèndè. Bakàjì nè nsukì yàbò mile ayi milembèlèlè, nè bambùle bānà nè bikwàbò. Mvùla ùtùnkumuka, bafikà ku dībà citèemà jaajaaja, nè ncìvwa mufwànyine kwikalapu to ànu ku dībà diipacila ku mwandamukùlù nè citùpà anyi dībà citèemà wa dilòòlò adi. Bàvwa baswè kwikala batwishiibwe nè bàvwa nè cyà kwikala mwaba awu. Kushààla biimàne ànu mwaba awu bindile too nè pangààbwelà.

170 Bóbò kumpwekeshila ku cibàndilu cyà mwonjì, lwà paanyimà pàà cipalu aci, mungàakabwelà mùshindù ewu, è kupàtuka kubwela ku cibùmbà cyà ku cyambilu. Billy Paul . . . Nè muntu ùmvwà mubiikile nè *Mañana* awu, cidi cyùmvwija nè “màalabà,” yèyè ùvwa misangu yònsò ànu nè lujòòkò be bwà kulwa kungangata. Ke pa nànkù mémè kwamba nè: “Lwàkù ànu màalaba, ukàadi munyangàkàje dilòòlò edi.” Ki kulwayè naanyi kuntwaku nè kuntùlulayè kuntwaku, nè mémè kubwela pa cibùmbà cyà ku cyambilu apu.

171 Mwanèètù Jack Moore, bààbùngì bàà kunùdì mbamumanyè, ànu lwà mu Shreveport emu, yèyè ùvwa naanyi; nènku Mwanèètù Espinoza nè bààbùngì bàà ku bānà bèètù abu. Pashiishe patùvwà biimàne pa cibùmbà cyà ku cyambilu apu, Billy kulwayè. Mémè

kuumvwa mutooyi mubì wàbûngì, lwà pambèlù pààpa, kùvwa bantu binunu misangu binunu basòmbè mwaba awu.

¹⁷² Billy kwambayè nè: “Papa, nebikèngele bwà wèwè kwenzakù cintu kampàndà. Mukàjì mukesè wa cyena Espagne awu mwaba awu,” yèyè nè, “ùdi nè mwànà mufwè mu mabòkò èndè.” Yèyè nè: “Mwànà awu mmufwè mu dindà emu, mùdìbo bàmba, kumpàlà kwà dībà. Nènku—nènku Mañana wàkaabanya twartà twà disambila atu, nè,” kwambayè nè, “nè yèyè kèna nè kartà kàà disambila to, kàdi mèmè ncyèna nànsha nè kàmwè to.” Yèyè nè: “Nènku yèyè’s mmupàngàdike bwà kufikisha mwànà awu mu mulongo wà babèèdi.” Yèyè nè: “Tudi nè bantu batwè ku nkàmà yinaayi kuntwaku, badìlongòlòle bwà kubàsambidilabò.”

¹⁷³ Mèmè nè: “Èè,” Mèmè nè: “musòmbèshaayi lwà paanyimà. Bwalu, yèyè mupite ànu kumpàlà, aci necisakè yònsò wa kùdìbo bwà kwenza nànkù.” Ke mèmè nè: “Katwèna mwà kwenza aci to. Òmwambilè àbwelè pàmwàpa ànu mu mulongo wà babèèdi mààlabà. Netwikalè kaaba aka kàbìdì mààlabà bwà kumupèèsha kartà kàà disambila.”

¹⁷⁴ Yèyè nè: “Lwàku ùteetè kwenza nànkù.” Yèyè nè: “Ndi nè baawisiyè nkàmà yìsàtù kuntwaku bàdì kabàyi nànsha mwà kumulama to, nè,” kwamba nè: “kènà mwà kwikala nè bujitu bwà kilòs makùmi ànaayi nè umwe to.” Ki yèyè nè: “Kwèna mwà kumulama to.” Yèyè nè: “Ùdi ùnyeemena lùbilu mu mikòlò yènù, ùbàtùpikila pa makaaya apu, anyi cintu kanà cyònsò eci, nè mwànà wa mu dibòko mufwè ewu.”

¹⁷⁵ Ke mèmè kwamba nè: “Mwanèètù Jack,” mungààkàmbà, “yèyè kí mmummanyè to. Kí mmufwànyine kuntàpulula neebè to. Wèwè pweka ndààku ùsambidile mwànà awu, nènku aci’s necikòsè bwalu mùshindù awu.” Ke mèmè nè: “Mwànà mufwè?”

Yèyè nè: “Èyowà.” Mèmè nè. . .

¹⁷⁶ Mvwa ngààkula pa diitabuuja bu cintu cyà bàlenga nè byanza, cintu cyà bàlenga nè byanza cyà bintu bitèkemenà. Nènku mvwa munkaci mwà kwakula. Ke Mwanèètù Espinoza kubangayè kwakula, pàmvwà ngààkula apu. Mwanèètù Jack kutwàdijayè kupweka bwà kusambidila mwànà awu. Nènku ndi mwenze ànu mbanga kutàngila, mèmè kutàngila pambèlu apa kumpàlà kwànyì, nènku kùvwa mwànà mwànà mukesè wa cyena Mexique, kàyi nè mènù to, ùvwa mukesè be. Òvwa munkaci mwà kufùkisha mimwemwe, muntàngile, cikèènà-kumòna kampàndà.

¹⁷⁷ Mèmè nè: “Anjì indila kakesè, Mwanèètù Jack. Lwàyi nè mwànà awu mwaba ewu.” Ke pa nànkù kupengabò njila.

¹⁷⁸ Ke mukàjì mutekète ulwàlwa ewu, nè lùnzaadi lwà disambila mu byanza, nè kudìshìndayè panshì, wèla mikunda nè “Taatu!”

179 Ke mêmè—mêmè kumujuula. Mêmè kwamba nè: “To.” Ûvwa nè mbùlankètè mukesè wa bleu nè mutòòke, wa mishoonyi; mwànà mukesè, muuminyine, wa bule *ebu*, mulààle mu mabòkò endè.

Mêmè nè: “Mukonkàayi dībà dīdiye mufwè.”

180 Yèyè nè: “Ûvwa mufwilè mu bìrò byà ngàngàbukà, mu dīndà adi, lwà pa dībà citèemà jaajaaja.” Kàdi tukaàvwa bu dībà citèemà nè tusunsa makùmi àsàtù anyi dībà dikùmi jaajaaja nànkù dilòlò adi. Nènku ùvwa ànu mubolè bolebole nè màyi, ùvwa mwimane kuulu; nè nsuki yèndè mipwèke yònsò. Mukàji mukesè mulenga kwisù, nènku, yèyè, pàmwàpa ùvwa mwanèndè wa mu dibòko wa kumpàlà. Ûvwa nè mmwènekèlu wa bidimu makùmi àbīdī nè bitaanu, anyi cintu kampàndà.

181 Ke mêmè kwamba nè: “Mwanèètù Espinoza, kwàndamunyikù disambila edi to, bwalu ndi mfùma ku dimòna cīkèenà-kumòna cyà mwànà mukesè wa mu dibòko mufw- . . . anyi mwànà mukesè wa mu dibòkò ùnsekèsha.” Mêmè nè: “Mmufwànyine kwikala mwànà awu.”

182 Ke mêmè kutenteka byanza byànyì pa mbùlankètè mukesè awu, ke mêmè kwamba nè: “Taàtù wa mu Dyulu munanga, ncyèna mumanyè cīvwa cīkèenà-kumòna aci cyùmvwija to, kàdi ngàmònu mwànà mukesè awu. Piikalàbi nè mwànà awu, Udi mudilongòlòle bwà kumwaluja cyàkàbīdī ku mwoyi, nēmbiikilè mwoyi wèndè, mu Dīnà dyà Yesù Kilistò.” Kwelayè lubilà, nè kutuutayè bintu mu mbùlankètè amu nè kutwàdijayè kwela mbilà mshindù *awu*. Nè mêmè . . .

183 Cibèjibeji cyà *Dīyi* dyà Beena Kantu-ku-byanza cyàkacipātula, ànu àbīdī àdī panshì aa. Mêmè kwamba nè: “Mwanèètù Espinoza, kwàmbikù cintu nànsha cīmwe pa bwalu abu mpindyewu to. Tùmaayi muntu nè mwànà awu nè mukàji awu, nè nūmufikishe kùdī ngàngàbukà nè nūpetè mukàndà wà bujaadiki kumpàlà kwà kubitundubula mu bibèjibeji mpindyewu,” mêmè nè: “bwalu cīdī nè cyà kwikala cilelèlā. Katwèna bamanyè to.” Pa nànkù, ke kutùmabò muntu nè mukenji.

184 Ke ngàngàbukà kwelayè cyàlā pa mukàndà wà bujaadiki abu nè: “Mwànà awu wùvwa mufwè disaamà dyà bisùlùsùlù pàbīdī,” mu dīndà adi mu wèndè . . . pa dībà citèemà jaajaaja mu bìrò byèndè. “Kàvwa wèyela to. Mwoyi wèndè ùvwa muyè, mufwè nè muuminyine.”

185 Nènku ke mukàji mukesè awu mwaba awu. Bwà cinyi? Bwalu ùvwa munànkidi. Cintu nànsha cīmwe kacīvwa mwà kumwimanyika to. Ûvwa munànkidi. Yèyè ùvwa musùmīnyine, nànsha mùvwà mwakwidi wèndè mwà kwikala mumupātùle mu èkèleeziyà amu (ncyà bushùwà nè ke cīvwaye mufwànyine kwenza), nànsha cinyi cyenzèke. Byàkenzeka nè àtangidilè ku lupangu, malòlò makesè kumpàlà, nè ùvwa mumòne muntu

mununu mpofo awu mupetè lumònù lwèndè. “Piikalà Nzambi mwà kutàbeeja mpofo mèsù, Yèyè’s ùvwa mwà kubìisha bafwè!” Nènku ùvwa nè dijinga kampàndà. Ùvwa munà nukidi, bu mùvwà mukàjì mwena Syrophénicie awu. Kupetayè dijinga dyèndè bwalu ùvwa munà nukidi.

¹⁸⁶ Mwanèètù wa balùme nè mwanèètù wa bakàjì, tudi mu Bwikadi bwà Yesù Kilistò. Yèyè nè: “Mwaba wónsò wùdì bàbidì anyì bàsàtù badisangìshe mu Dìna Dyànyì, Mémè ndi munkaci mwàbò amu. Cyònsò cidìbo bàpetanganapù aci, pa bìdì bitàngila cintu kampàndà, nè bàlòmba, nebàpetè.” Twikalààyi banà nukidi mpindyewu mu Bwikadi bwà Nzambi, patùdì twinyika mitù yètù apa.

¹⁸⁷ Taatù wetù wa mu Dyulu wa ngàsà, tudi twakula mpindyewu bwà tusunsa tutwè ku makùmi àsàtù nè byà mu njila, anyì tupìte apu, bwà Bukalenge Bwèbè. [Katùpà kàà mukàbà wà mēyì munda mutupù—Muf.] Nzambi ngudi mwenzè mulayì. Nzambi mmwenzèjìbwe ku mulayì Wèndè. Tùlekèlekù, Mukalenge, tùvulukè, nè twikalè bu mukàjì mukesè awu, banà nukidi. Piikalà Yesù ùdì kaaba aka munkaci mwètù emu, díbà adi tùshaalààyi kacya twàMukwàta too nè patwàpetà citùdì balwilè aci.

¹⁸⁸ Kwòkò kaaba aka, dilòòlò edi, aba bàdì kabàyi basùngìdìbwe to, swàkù bwà kushààlabò ànu kacya bààkwàta too nè piikalà ngàsà udi usùngila wa Nzambi mùbàpetè.

¹⁸⁹ Piikalàbo mwab'ewu kabàyi nè dibàtiiza dyà Nyumà Mwimpè to, swàkù bwà biikalè bu mukàjì mukesè awu, kabàlekedikù díbà anyì ní ncinyì cikwàbò ciimana mu njila to. Nebàshaalè bakwàte nè kwikala basùminyine too nè piikalà Nyumà Mwimpè mwà kuuja mwoyi wàbò ku ngàsà wa Nzambi.

¹⁹⁰ Bòbò biikàle bàsaama, kabàtekeci mu mabòko to. Bàshaalèku kacya bààkwàta bu Yakòbò, mùshindù mwinè ùvwàye musùminyine's wè. Kushààlayè kacya ànu wàkwàta, wàmba nè: “NcyàkuKulekelakù uya to too nè paWàm bènes hà.” Dibènesha adi divwa dyùmvwija mwoyi kùdiye, nè ke mùdibi kàbidì bwètù twètù dilòòlò edi. Nè dyondopiibwa didi dyùmvwija mwoyi kutùdì, Mukalenge.

¹⁹¹ Tudi tulòmba bwà Bwikadi Bwèbè bùlwe, bwà twamòna mwà kuKukwàta, nè Wèwè kutùkwàta, bu muWàkenzà nè Yakòbò, mfùmù wàkalwangana mvità yà bibulà awu; bwà Wèwè kushintulula dìnà dyètù, kudyùmusha ku mukàndà wà èkèleeziyà kampàndà pa buloba apa, kuditùma ku Mukàndà wà Mwoyi wà Mwànà wa mùkòòkò mu Dyulu. Basùminyine, bashààle ànu kacya twàkwàta too nè pàdì Nzambi ùshindika mulayì Wèndè munda mwètù! Tudi tulòmba nùnkù mu Dìna Dyèndè.

¹⁹² Mukalenge, tudi bamanyè nè Dìyì kampàndà dyà Kùdì nedìikalè nè mushinga kutàmba miliyò yìdì muntu mukwàbò kanà yònsò ewu mwà kwakula. Lwàkù, Mukalenge, ùshindikè

eci nè, ndi mwambè Bulelèlà. Wèwè udi umweumwe awu makèlèlèlà, leelù, too nè kashidi. Wèwè udi Dìyì. Wèwè uvwa Dìyì divwà mu Noà. Wèwè udi Dìyì divwà mu Mòsà. Wèwè uvwa Dìyì divwà mu Eliyà. Wèwè uvwa Dìyì divwà mu Davidi adi. Wèwè udi Dìyì divwijìbwe mubidi nè didi munkaci mwètù dilòòlò edi. Wèwè udi kaaba aka bwà kushindika mulayi nè mulayi wònsò wuWàkafilà bwà dībà edi. “Ànu mwàkadibi mu matùkù à Sodomà,” milayi yònsò yiWàkafilà eyi, Wèwè udi kaaba aka bwà kuYishindika. Enzàku nànkù, dilòòlò edi, Taatù. Netùtàngilè bwà kuKumòna kaaba aka.

¹⁹³ Nènkù pashìishe èkèleeziyà àfikèku ku diitabuuja nè àkwatè, nè àmbè nè: “Ndi musùminyine, Mukalenge. Nènsaalè mwab’ewu ànu bu nzuji mubi uvwa mukàji wa mu lufwilà awu mukwàte.” Nènkù piikala nzuji mubi awu, bwà kutàpuluka nè mukàji awu, wàkamupèèsha dijinga dyèndè, nebitambè kwikala bìshi bwà Taatù wa mu Dyulu kufilaYè Nyumà Mwimpè kùdì aba bàdì baMukwàte dilòòlò edi? Enzàku nànkù, mu Dìnà dyà Yesù, mmutùdì tulòmba emu. Amen. Mukalenge àbèneshiibwè!

¹⁹⁴ Ndi muswè kumòna. . . Billy, udi mwabànye twartà anyi? [Muntu kampàndà ùdì wàndamuna—Muf.] Nkàmà yìbìdì? Twìnè tùdì mupàtùle leelù ewu ntwèpì, H anyi? Tùwva babangile penyì; kàmwè, makèlèlèlà dilòòlò awu, kí mmwòmò anyi? [“Èyowà.”] Tùbangilàayi ku mwaba mukwàbò kampàndà dilòòlò edi. Kartà kàà disambila dilòòlò edi kàdì H.

¹⁹⁵ Ewu yònsò udi nè twartà twà disambila awu, àshaalè mutùkwàte. Nwamònu’s, netùsambidilè muntu nè muntu. Ikàle ànu kacya wakwàta, mukwàte ku kartà kàà disambila aku. Udi upèèsha muntu kartà kàà disambila, mmwondòpiibwe mu byà pa lukàmà makùmi àsambòmbò ànu pa dībà adi mene. Nwamònu anyi? Yèyè mmumanyè nè nèàbwele mu mulongo, pa nànkù yèyè nèàshaale ànu mukàkwàte. Ke bwà cinỳi tudì tutùfila.

¹⁹⁶ Tùbangilàayi ku, twànjiibi kumòna, ku. . . tùbangilàayi ku makùmi mwandamukùlù dilòòlò edi, tùbangilàayi ku makùmi mwandamukùlù, makùmi citèemà, lukàmà. Nganyì udi nè kartà kàà disambila kàà H, H, bu Dyulu? H, makùmi mwandamukùlù, elà cyanza muulu. Mònaayi ní ndi. . . Pàmwàpa ndi mupiiile. Netùbangile ku mwaba kampàndà mukwàbò dībà adi. Mukalenge? Ncìwva mucimòne to. [Muntu ùdì wàmba nè: “Lwà mu ndekeelu menemene mwàmwa.”—Muf.] Kaa, alùkìla. Èyo, lwàkù apa, mukalenge. H, makùmi mwandamukùlù.

¹⁹⁷ H, makùmi mwandamukùlù nè ùmwè, udi nè makùmi mwandamukùlù nè ùmwè nganyì? Elà cyanza muulu. Makùmi mwandamukùlù nè ùmwè, lwà apa nùnkù. Lwàkù, inàbànà.

¹⁹⁸ Makùmi mwandamukùlù nè ibìdì, nganyì udi nè makmi mwandamukùlù nè ibìdì, udikù mwà kwela cyanza cyèbè muulu anyi? Ànu mwaba awu mene, makùmi mwandamukùlù nè ibìdì? Èyo, makùmi mwandamukùlù nè ibìdì, nganyì udi nè kartà

kàà disambila kàà H, makùmi mwandamukùlù nè ibìdì? Kùdi makùmi mwandamukùlù, makùmi mwandamukùlù nè ùmwè; tуди baswè H, makùmi mwandamukùlù nè ibìdì. Mmunyi mùdì mufwànyine kucyàmba mu cyena Espagne? Nkufwànyinekù kwikala muntu kampàndà mu cyena Espagne. Èyo, èyo, makùmi mwandamukùlù nè ibìdì.

¹⁹⁹ Makùmi mwandamukùlù nè isàtù. H, makùmi mwandamukùlù nè isàtù, nganyì udi nè kartà kàà disambila kàà H, makùmi mwandamukùlù nè isàtù? Tàngilà pa kartà kèèbè kàà disambila aku. Tàngilàayi kartà kàà disambila kàà mwena mutumba neebè, pàmwàpa m'mpudimaci nè kàyi mwà kuumvwa to. H, makùmi mwandamukùlù nè isàtù, makùmi mwandamukùlù nè isàtù?

²⁰⁰ Kwàngaci twartà atu pawikalà kùyi muswè kukwàta naatù mudimu to. Nwamònu anyi? Twàngate, ùkwatè naatù mudimu. Nwamònu anyi? Kùtùpèeshi mungà muntu nànsha. Dilamìnetù wèwè mwinè. Neùmushiibwe mu mulongo wà babèèdi, wamònu's. Pa nàнку angàtà kartà kèèbè, lwàkù, tèèlejà dileeja dyà njila kumpàlà kwà disangisha. Angàtà kartà kèèbè kàà disambila aku nè pashìishe ùshaalè mu nkwasà webè amu, wamònu's.

²⁰¹ H, makùmi mwandamukùlù nè isàtù, kàdi lwà penyi? Makùmi mwandamukùlù nè inaayi? Inàbànzà udi apa ewu. Makùmi mwandamukùlù nè itaanu, makùmi mwandamukùlù nè isambòmbò. Ncyà bushùwà, andàmùnà lùkàsà. Makùmi mwandamukùlù nè isambòmbò, makùmi mwandamukùlù nè mwandamutekète, makùmi mwandamukùlù nè mwandamukùlù, makùmi mwandamukùlù nè citèèmà. Makùmi citèèmà, makùmi citèèmà nè ùmwè, makùmi citèèmà nè ibìdì, makùmi citèèmà nè isàtù, makùmi citèèmà nè inaayi, makùmi citèèmà nè itaanu, makùmi citèèmà nè isambòmbò, makùmi citèèmà nè mwandamutekète, makùmi citèèmà nè mwandamukùlù, makùmi citèèmà nè citèèmà, lukàmà. Tùbalèku, Mwanèètù Grant, bu wèwè mwà kuswà, bwà kumòna nè bònsò ní bàdi bàbwela mu mulongo wà babèèdi.

²⁰² Mpindyewu néndombèku bantu bònsò mwab'ewu mpindyewu. Netùjikijè mu tusunsa tutwè ku dikùmi, dikùmi nè tùtaanu. Néndombèku bantu bònsò mwab'ewu bwà kushààla mu nkwasà webè, bàvwa kabàyi babiìkidìibwe abu. Ikàlaayi nè kaneemu kàà menemene, bapùwe. Ikàlaayi banànikile mpindyewu.

²⁰³ Lekèlaayi tùnùpèèshèku búngà bwalu bulonda bukesè. Musangu kampàndà, kùvwa mukàji kampàndà. Yesù ùvwa nè. . . Luumù Lwèndè lùvwa lutangàlake luyè too nè ku Gadara, ke mukàji mukesè kampàndà kulwayè; anyi, kî mmu Gadara to, cìvwa nditùnga dikwàbò. Nènku yèyè ùkaavwakù muumvwè bàakula Bwèndè. Ùvwa nè dĩaamà dyà mashi àlwa munda.

Wàkalwa mu disangisha òvwà Yesù ùsanganyibwa adi, ku mwelelu wà mbù, kàdi kàvwa mwà kufika kùdiYe to. Ke pa nànkù kwambayè munda mwà mwoyi wèndè amu, mpindyewu tèèlejà, munda mwà mwoyi wèndè amu, nè: “Bu mèmè mwà kulenga civwàlù Cyèndè, nèngòndopiibwè.” Nudi bavùlùke bwalu abu anyi? Mpindyewu, kudifindayè è kulengayè civwàlù Cyèndè.

204 Mpindyewu cyàkenzekà ncinyi? Yesù wàkakùdimuka è kwamba nè: “Nganyì wàNdengì awu’s?”

205 Mòna’s, Peetèlò kuMutàndishayè. Anji elàayibì ànu meeji ku bwalu abu mpindyewu, pàcìdibo munkacì mwà kumòna ní bàdikù bònsò apu. Peetèlò kuMutàndishayè. Kwambayè nè: “Mukalenge!” Cintu bu nùnkù ewu: “Mòna’s, bantu’s nebàdikonke bwà nè ní Udi nè meeji Èbè mu òwò.”

206 Mòna’s, bantu bònsò: “Wetwàwu, Laabi! Wetwàwu, Mupròfetà! Ewu m’Mupròfetà wa citende wa mu Nazàlèètà anyi? Ewu m’Mupròfetà wa mu Ngàlèlè anyi? Wetwàwu, mwaba awu!”

207 “Umùshaayi Muntu wa mùshindù awu,” mwàkambà baakwidi nè bònsò abu. “Umùkaayi kùdiYe, muntu yònsò.”

208 Kàdi wàkashààla mukwàte ànu dikwàta, wàkakwàta. Wàkamba nè: “Bu mèmè mwà kulengakù ànu civwàlù Cyèndè!” Wàkacilenga.

209 Pashìishe Peetèlò kwambayè nè: “Èè, Udi ufikisha bantu ku dyela meeji nè Wèwè udi mujimije lungènyi Lwèbè’s.”

210 Yèyè nè: “Kàdi Ndi ngùmvwa nè Ndi nè butekètè.” Mbanganyi bàdi bamanyè nànkù? *Bukolè*, cidi cyùmvwija nè “dikàndà,” ndipàtùke mu Yèyè.

211 Ke kukènzakanaYè mu batèèleji amu too nè mwàkapetàYè mukàji awu. Nènkù pààkasanganàYè inàbànza mutekète awu, cyàkamwambilàYè ncinyi? KwambaYè nè: “Diitabuuja dyèbè dyàkusùngidi.” KumwambilaYè bwà disaamà dyèndè dyà mashi àlwa munda adi, nè yèyè ùvwa musùngidìibwe. Ncyà bushùwà anyi?

212 Mpindyewu mbanganyi bàdi biitabuuja nè Yèyè ùdi umweumwe awu makèèlèlè, leelù, too nè kashidi, elàayi byanza byènù muulu. Mbanganyi bàdi bamanyè nè eci m’Bulelèlè? Mu Ebèlù 3, ùdi wàmba nè: “Mpindyewu mene Yèyè ùdi Mwàkwidi Munène udi mwà kulengiibwa kùdi dyumvwa dyà mateketa ètù.” Mbanganyi bàdi bamanyè nànkù?

213 Èè, pìikalàbi nè Yèyè ùdi umweumwe awu makèèlèlè, leelù, too nè kashidi, . . . Cìkolà, Yèyè kèna, mu mmwènekèlu wa mubidi to; pàalukilàYè mùshindù awu, cikondo ncijikè, Yèyè neàye nè Èkèleeziyà Wèndè.

214 Kàdi Yèyè ùdi kaaba aka mu mmwènekèlu wa Nyumà Mwimpè, bwà kubwela munda mwànyi nè kubwela munda

mwènù, nè kwenza byenzedi Byèndè bimwèbimwè abi. Wàkamba, mu Yone 14.12 nè: “Ewu udi ungiitabuuja Mèmè, byenzedi bíNdi ngèza neàbyènzè pèndè.” Ncyà bushùwà anyi?

215 Nèku piikalà Díyì munda mwètù, nè twètù twamba Bulelèlè, nè diikale Díyì dyàkalayàYe bwà leelù ewu adi, díbà adi Díyì dyà Nzambi kì “nditwè kutamba mwelè wà mvitá wà nseke yìbidì, nè Dijinguludi dyà meeji nè mapàngadika à mu mwoyi anyi”? Bible ngudi wamba nàнку awu anyi? Bapròfetà bònsò kabàvwa mwà kujingulula meeji mu—mu mitù à bantu anyi? Ncyà bushùwà anyi? Bwà cinyi? Cìvwa n’Díyì divwà munda mwàbò adi, Díyì dyà Nzambi bwà ditùkù adi. Nwamònu anyi? Mùshindù awu ke wàkashindikiibwàbo. Aci’s ke cìvwa yàbò mikàndà yà dijaadikiibwa naayi. Nànsha umwe wa kùdìbò kàvwa wa mu bulongolodi kampàndà to, nànsha umwe, kàakacyènzakù to. Mikàndà yàbò yà dijaadikiibwa naayi yìvwa mudimu wàbò wà bwambi.

216 Nzambi wàkamba nè: “Kwòkò kwikale muntu munkaci mwènù, udi wa nyumà anyi mupròfetà, nè cidiye wamba cyènzeka, díbà adi mutèèlèjaayi, bwalu Ndi nendè. Kàdi cyòcì kaciyi cyènzèke to, èè, kanùmutèèleji to.” Nè kabyèna nè cyà kwikala nàнку ànu musangu ùmwè to, bidi nè cyà kwikala ku musangu nè ku musangu díbà dyònsò; cyà kùdi bapròfetà.

217 Kùdi dipà dyà cipròfetà, dídì mu èkèleeziyà, dídì nè cyà kukenkeciibwa kùdi—kùdi bakenkeci, kumpàlà kwà kwambiibwaci kùdi èkèleeziyà, mu bushùwà bwà bwalu. “Cikalè kumpàlà kwà balumbulwishi bàbìdì anyi bàsàtù, nè pashìishe cìdì cyàmbiibwa kùdiye.”

218 Kàdi mupròfetà yèyè mmùlediiibwe mupròfetà, mudyànjila-kulongolola, mudyànjila kutèeka. “Yelèmiyà,” mwàkambà Nzambi, “kumpàlà mene kwà wèwè kufùmbiibwa mu difù dyà mamwèbè, Nkàvwa mukutèèke mupròfetà kumutù kwà ditùnga edi.” Yone Mubàtiji, bidimu nkàmà mwandamutekète nè dikùmi nè bibìdì kumpàlà kwà kulediibwayè, “Yèyè ùvwa díyì dyà ewu uvwa wela lubilà mu cipèlèlè nè: ‘Longòlòlaayi njila wa Mukalenge.’” Nwamònu anyi? Bushùwà’s.

219 Mònaayi, mpindyewu, pààkadì Yesù pa buloba apa, Yèyè wàkafila mulàmbù bwà dyondopa nè bwà lupàndu. Tudi twitabuuja aci anyi? Yesù kàvwa mwà kulwa dilòòlò edi bwà kukusùngila to; Yèyè ùkaadi mumanè kucyèza. Cilumbù cyà mpèkaatù cyàkajika. Yèyè m’Mwànà wa mùkòòkò wà Nzambi udi umusha, wàkuumusha mpèkaatù yà bàà pa buloba. “Wàkatàpiibwa mpùtá bwà dishipa dyètù dyà mikenji. Ku mibùndàbùndà Yèndè twàkondopiibwa.” Ncikondo cyà kale. Nànsha wèwè mwelè mbilà mikolè yà bìshi, nè nànsha wèwè mwà kwela mbilà mikolè bìshi, aci kì ncifwànyineku kwenza cintu cimpè nànsha cimwè paùdi kùyi mucitàbe to.

220 “Nè Yèyè ùdi Mwakwidi Munène udi musòmbè ku dyàbalùmé dyà Mutàmbe bunène wa mu Dyulu, bwà kutwàkwila pa dijikula dyètù.” Bikèngela ùcītàbè nè ùcìjìkùlè. Nwamònu’s, aci’s mmu cyòcì. Mùshindù wùm wèwùm wè awu ku dyondopa.

221 Kàdi ambàbi tǔng bu nè Yèyè ùvwa mwimàne kaaba aka dilòòlò edi, muvwàle nkooci uvwaYè mumpèèshe ewu? Ncinyi cìvwàYe mufwànyine kwenza mu mulongo wà babèedi? Mmunyi mùdiku mufwànyine kumanya nè ùvwa n’Yesù? Nwamònu anyi? Mpindyewu, bwà muntu kampàndà yèyè mulwè wàmba nè: “Yesù, Udikù mwà kungondopa anyi?”

Yèyè’s mmufwànyine kwamba nè: “Mémè’s nkàadi mumanè kucyèza.”

222 Mpindyewu pìikalàye nè bibangu byà misonso mu byanza; kàdi’s muntu kanà yònsò ewu mmufwànyine kwikala naabi, nwamònu’s, cibangu kanà cyònsò cidi mwà kwikalakù.

223 Kàdi ncinyi aci, mmunyi mùdi umanya, cyùdi mumanýè nè mmwonji wà mvinyò wa mùshindù kaayi awu? Mùshindù wà mwoyi wùdiwu naawù munda mwàwù awu. Nènkù mwonji wà mvinyò wònsò, pìikalà dyàkumpàlà. . . Ditàmbà dyà kumpàlà dyàkapàtukà mu Mwonji wà mvinyò awu, Yesù Kilistò, bàakafùnda Mukàndà wà Byenzedi paanyimà pàadi. Ncyà bushùwà anyi? Wòwù ànu mudidìnge mupàtule dikwàbò, nebàfundè mukwàbò Mukàndà wà Byenzedi. Bwalu pìikalàdi dyàkakwàma tumuma twà mvinyò, dyàkumpàlà adi, musangu wùdi wùlondà kadyèna mwà kukwàma madimà à mpùsù to. Kàdi, mucì wà bimuma byà mpùsù ùdi mwà kusòmbelamù, mmamuma à madimà. Kàdi didi nè mwoyi ku dyòdi nkààyaadi, nedikwamè misangu yònsò ànu madimà à mpùsù, mmwonji wà mvinyò musomeka munda mwàwù. Bwalu pìikalà Mwonji wà mvinyò wòwò mwìnè mwelè ditàmbà kampàndà, nedikwamè mamuma bu mùvwà dyàkumpàlà adi dikwàme amu, bwalu necìikalè Mwoyi wùdi munda mwà Yesù Kilistò wìkalà mu mwonji wà mvinyò awu. Ncyà bushùwà.

224 Yesù wàkamba nè: “Ewu udi ungiitabuuja Mémè, byenzedi bìNdi ngèza yèyè neàbyènzè pèndé.” Mpindyewu bu nè Yèyè ùvwa kaaba aka, Ùvwa mwà kumanyiibwa ku Mwoyi Wèndè, nè ku bintu byàkalayàYe bwà cikondo eci abi.

225 Mbanganyi bàvwà kaaba aka makèèlèlè dilòòlò awu, tùmònebì cyanza cyèbè. Pàm wè nè nwènù bònsò, ngèèla meeji. Èyo. Mpindyewu kùdi bantu. . .

226 Muntu yònsò mu mulongo awu, bwà ku dyànyì dimanya, mmwenyi ànu wetù wa menemene ewu kùndì. Aci ní ncyà bushùwà, elà cyanza muulu. Muntu nè muntu ùdi. . . Udi mwenyi anyi? [Muntu awu ùdi wàmba nè: “Èyowà.”—Muf.]

227 Mbanganyi kunùdi aku bàdi beenyi kùndì? Èyo. Cintu cìmwèpèlè cìndiku mémè nnùlòmba bwà kwenza nkwikala nè diitabuuja nè kwitabuuja nè ndi munwàmbile Bulelèlè.

228 Mpindyewu, tàngilàayi, Kilistò wàkalaya bintu ebi bwà matukù à ndekeelu. Mpindyewu, ndi mumanyè nè nudi bapetè balwanganyi banène bàà mvità mu cimenga emu, pàmwàpa Oral Roberts nè, kaa, bu mùvwà Jack Coe wa ufwila ewu nè bantu banènè bàà diitabuuja abu; bàvwa nè mwoyi mu cyàbò cikondo. Kàdi vùlukàayi cimanyinu cyà ndekeelu cyàkamònà bàà Bisàmbà byà bendè kumpalà kwà mwànà mulaya awu kufikayè mu cikondo cyà Abraham, udi taatù wa bônso awu, nè Yesù wàkalaya cintu cimwècimwè aci; cimanyinu cyà ndekeelu cyàkaleejiiwbà kùdì Èkèleeziyà musungula, mpindyewu vùlukàayi nè, kùvwa Umwe. Bàbidì kupwekabo nè kuyiisha mu Sodomà, kabàakaleejakù cimanyinu eci to; nànsa leelù ewu kabyèna nànkù to. Kàdi kùdì Èkèleeziyà mubiikila bwà kupàtuka, cimanyinu cyàkaleejiiwbà; nènku's ke mwàkamba Yesù cipròfeta nè cìvwa mwà kwikala cintu cimwècimwè aci, nwamònu's Nzambi mumwèneshiibwe mu mubidi, nwamònu's, ùjingulula meeji àdi mu mwoyi. Nwamònu anyi? Mpindyewu, Yèyè wàkalaya aci! "Maulu nè buloba byònsò bibìdì nebipangilè, kàdi Aci kacypàkupangilakù to."

229 Mpindyewu bu Yèyè mwà kumwènesha aci, bwà kuleeja nè Yèyè ùdi kaaba aka, mbanganyi bàà kunùdì bààMwitabuuja bwà dyondopiibwa dyènù nè cyònsò cinùdì nukèngela aci?

230 Mpindyewu, Mukalenge Yesù, mpindyewu cidi Bwèbè Wèwè, Taatù. Cyònsò cidi diswa Dyèbè aci, cyènzekèku. Mémè ndi musadidi Webè. Bònsò aba mbasadidi Bèèbè, anyi bààbùngì bàà kùdìbo mwab'ewu. Aba bàdi kabàyiì basadidi Bèèbè, ku Bwikadi Bwèbè. . . bamanyè nè pàmwàpa kumpalà kwà dindà nebikèngelè bwà bàtàngilè mpàla Webè. Mpindyewu Wèwè udi mwà kubàfùkishila mimwemwe nè ngàsà, kàdi dîbà adi Wèwè newikalè mulumbulwishi wabò.

231 Swàkù bwà byènzekè, Mukalenge, bwà Yesù àlwe munkaci mwètù, dilòòlò edi, nè ènzè maalu nè ènzè mwàkenzàYe kumpalà kwà dipoopediibwa Dyèndè dyà pa nkùrusè adi; neciikalè ditwishiiibwa kutùdì, kumpalà kwà ntèndeleeleu yònsò yà cimpàngaanù, bwà nè Musùngidi wetù kî mmufwè to, kàdi mmubiike ku bafwè. Nè paanyimà pàà bidimu binunu bibìdì, Ùdi ànu nè mwoyi dilòòlò edi ànu mwàkadìYe musangu awu amu. Nènku swàkù bwà twètù, mùvwà bàvwa bàfùminà ku Èmawùsè abu, twàmbè nè: "Myoyi yètù kayìvwakù yìlákuka kapyà munda mwètù, pàvwàYe wàkula neetù mu njila apu anyi?" Bwikadi Bwèbè bùmanyiibwè. Swàkù bwà tùKumònè, dilòòlò edi, mu Bukolè bwà dibìikà Dyèbè dyà ku lufù. Nè pashiishe swàkù bwà bantu biitabuuje dîbà adi, Mukalenge, bwà Bwikadi Bwèbè bunène bwà bunème. Tudi tulòmba mu Dìna dyà Yesù Kilistò. Amen.

232 Mpindyewu ndi ngàngata nyumà yònsò. . . Yònsò wa kunùdì ùdi nyumà. Vùlukàayi nè, kacya kanùtukù banjì kummòna to; nudi numòna cizubu cyà pambèlu cyà kale cidi cipàtula

Dìyì edi patòòke eci. Mpindyewu Dìyì didi difùmina anyi kùdì Nzambi, anyi kabyèna nànkù to, byà mwomùm-wè nè dyènù. Dìyì edi didi ànu ndijìngila mu cizubu eci, cingìikalà mwà kucishintakaja dīngà ditùkù nè cyà cipyacipyà cìikalà kaci-yi mwà kukùlakaja nànsha. Kàdi, mulundà wanyi, muntu nè muntu, n'nyumà kampàndà. Nànkù paùdì utentemuka, wamònu's, paùdì nè bukòntononyi mwaba awu, wamònu's, cìdì cìimanyika. Sòmbaayi ànu bapùwe viiviivi, ikàlaayi mu disambila. Ndi muswè bwà nwènù... Nzambi Yèyè mwènzè cintu kampàndà, bìvwa bìkèngela bwà twètù kwikala nè kusàkidila kùdìYe. Cyà bushùwà. Mutùmbìshaayi, pashìishe ikàlaayi nè kaneemu kààbùngì nè nùtàngile. Sòmbaayi nwènù ànu tálàlàà, nè itàbùùjaayi nè mwoyi wènù wònsò.

²³³ Mpindyewu nwènù bàdì pambèlù pààpa bàdì kabàyi nè twartà twà disambila abu, nànsha nwènù penyi, itàbùùjaayi ànu cyanààna nwàmbè nùnkù nè: “Mukalenge Yesù, cidiye mutwàmbile, cidi mu Bible. Tudi... Ndi mumanyè nè Wèwè ngwàkalaya cyòci aci, nè ndi mumanyè nè cidi nè cyà kwikala Wèwè. Kéna mwà kwikala muntu awu to; yèyè mmuntu ànu mùndì emu, anyi mùdì bàyaanyi, anyi mùdì mwanàanyi wa balùme, anyi mwanèètù wa balùme, anyi ní ncinyi cìkwàbò.” Nwamònu anyi?

²³⁴ Kàdi dipà kī ncintu kampàndà, keelè kampàndà, kaùdì wangata nè uya kenza naakù bintu kampàndà to, dipà's. Dìmwè dyà ku matùkù àdì panshì aa, nèmpetè ntenta munène nè kulwa mu cimenga, nè kushààla ànu ndambu wa ngondo ku musangu, nwamònu's, kàdi kulongesha, nànsha nànkù. Dipà, nkudyùmusha wèwè mwinè mu njila, bwà Nzambi wàmòna mwà kubwela, kumòna cidiYe ùleeja, cidiYe wènza. Dipà kadyèna nè: “Ndi nè bukolè bwà kwenza *cikampàndà*, ndi nè bukolè!” Bukolè bwèbè bwà dipà nkudyùmusha wèwè mwinè mu njila. Nè dipà didi Nzambi mukupèeshe, didi dikwàta mudimu mu cyòci aci dībà adi, nwamònu's, paanyimà pàà wèwè mumanè kupàtuka mu njila. Nwamònu anyi?

²³⁵ Mpindyewu, ncyèna mwà kuMufikisha ku dingambila cintu nànsha cìmwè to. Bìkèngela Àcyènzè. Mpindyewu bwà kulaminyina dībà... Dībà ndimanè kupìta bikolè.

²³⁶ Kàdi lwàkù apa, inàbànzà, ndi muswè bwà wèwè kwimana ànu kaaba aka. Mwva ngàakula ànu katanci aka bwà mukàjì kampàndà ku... ku cìinà cyà màyi. Úvwa kaaba aka makèèlèlèlè dīlòòlò anyi? [Mwanèètù wa bakàjì awu ùdì wàmba nè: “To, mukalenge.”—Muf.] Kùvwa mwab'ewu to. Kacya ukààdikù mubwelè mu dīm-wè dyà ku masangisha kacya kwònsò eku anyi? [“To, mukalenge.”] Kacya kabitukù byànji kwenzeka kwònsò eku to. Ewu mmusangu wèndè wà kumpàlà. Katwèna bamanyàngàne to. Yèyè kàvwa nànsha kaaba aka makèèlèlèlè dīlòòlò to. Kacya kàvwa mupetè dileeja dyà njila pa bwalu abu to. Mmwimàne ànu kaaba aka cyanààna. [“Ncyà bushùwà.”]

Mpindyewu tudi biimàne kuulu. Udi muvùlùke bwalu-bulonda bwà mukàjì wa ku ciinà cyà mâyi awu anyi? [“Èyowà’s, mukalenge.”] Cìvwa cìfwànyikijilu cikesè cyà mùshindù ewu, nè Mulùme awu nè mukàjì awu bààkatuutakeena bwà musangu wàbò wà kumpàlà kacyà bààbàlela.

²³⁷ Mpindyewu, mukàjì ewu ùvwa ùsanganyibwamù, ùvwa mu... Ùvwa mu bundù. Ùvwa museediibwe misangu búngì cyanààná, nè ùvwa—nè ùvwa musòmbè nè muntu uvwayè kàyì musèdiibwe kùdiye nànsha, nènku—nènku cìvwa ncintu cibì be. Ke Yesù kwakula nendè.

²³⁸ Mpindyewu nudi bavùlùke nè, Yèyè mmwambè, mu Yone Munsantu 5.19 nè: “Bulelèlà, bulelèlà, Ndi nnwàmbila nè, Mwàná kèna mwà kwenza cintu nànsha cìmwè mu Yèyè mwìnè to; ànu cìdìYe ùmòna Taatù wènza aci, ke cìdì Mwàná wènza mwomùmwe.” Ki bwà cinyì, Yesù kààkenzakù cintu nànsha cìmwè pàvwàYe kàyì mwanjì kucimòna mu cìkèenà-kumòna to, anyi Wàkamba cintu kampàndà cyà cibì mwaba awu. “Mwàná kèna wènza cintu nànsha cìmwè pàdìYe kàyì mwànji kumòna Taatù ùcyènza dyàmbedi to.” Kì ngù*Muumvwa* to; “ùMumòna ùcyènza.” Nè pashìishe Taatù... .

²³⁹ Bìvwa bikèngela bwà kupicilaYè mu Sàmaalèyà. Ùvwa ùya ku Yelèkò, kàdi Wàkabànda ku Sàmaalèyà, cimenga cyà Suukà. Ke kutwilanganaYè nè mukàjì ewu, nè kubangaYè kwakula nendè too nè mwàkapetàYe cìvwà lutàtù lwèndè. Pashìishe Yèyè kumwambila lutàtù lwèndè, nè lùkàsà lwònsò, yèyè mu ngiikàdilù awu, wàkajingulula nè aci cìvwa ncimanyinu cyà Maasiyà.

²⁴⁰ Èè, pùikalàbi nè n’Yèyè awu makèèlèlà, s’bìvwa bifwànyine kwikala Yèyè umweumwe awu leelù, pùikalàbi nè Yèyè ùdi umweumwe awu makèèlèlà, leelù, too nè kashidi. Aci ncilelèlà anyi, nwènu batèèleji? [Disangisha didi dyàmba nè: “Amen.”—Muf.] Nwamònu anyi?

²⁴¹ Mpindyewu tudi tutwilangana bwà musangu wètù wà kumpàlà. Mémè ncyèna Yèyè awu to, nè wèwè kwèna mukàjì awu to, kàdi Yèyè ùcìdì ànu Nzambì. Ncyà bushùwà, nwamònu’s. Mpindyewu bu nwènù mwà kwikala nè diitabuuja mu—mu cìndì ngàmba eci, mu Dìyì! Ncyàkwambakù cintu nànsha cìmwè to ànu cìdì mu Dìyì edi aci. Yèyè mmufwànyine kwenza bintu pambèlu pàà Dìyì adi; kàdi pàdìYe ànu wènza Cyòci aci, ndi mumanyè nè Aci ncyà bushùwà, dībà adi, nwamònu’s. Nènku mpindyewu wèwè kwèna mummanyè to, mémè ncyèna mukumanyè to.

²⁴² Nànku ki bwà cinyì wèwè usaama, nè mémè kukutentekela byanza, nè kwela mbilà, mùshindù wà mulwanganyi munène wa mvità awu, Mwanèètù Roberts, anyi bàmwè bàà ku bòbò abu, Mwanèètù Allen anyi bàmwè bàà ku bantu abu, bàkutentekela byanza bàmba nè: “Àlèluuyàh, Mukalenge ùdi ùkwondopa,”

abi's mbîmpè. Udi witabuuja aci, nènku necikwatè mudimu. Nwamònu anyi? Nwamònu anyi? Kàdi mpindyewu ncinyi bu Yèyè mwà kwimana mwaba ewu nè kwamba cintu kampàndà cyùdi mwenzè, anyi kabingilà kampàndà kaùdi usaamina, anyi cintu kampàndà civwà cyenzèke mu matùkù à mwoyi, anyi cintu kampàndà civwà kaciyi cikèngela bwà wèwè kwikala mwenzè? Kaa, aci aci, udi mufwànyine kumanya nè aci civwa nè cyà kwikala cyà bushùwà, citòòke tòò mu meeji èbè dîbà adi. [Mwanèètù wa bakàji awu ùdi wàmba nè: "Ncyà bushùwà."—Muf.] Ncyà bushùwà.

Ncifwànyine kwikala nànkù bwènù nwènù, pambèlu apu anyi?

²⁴³ Mpindyewu cîndi ngakwila nè mukàji ewu ncinyi? Nwamònu's, ncìvwakù mutùngunuke nè diyiisha dyà dilòlò edi to (Bìdi bikèngela ngìlkale musùmìnyìne), nwamònu's, mbifwànyine kunshintulula bwà mèmè kubwela mu diyiisha. Nè mpindyewu ndi nè cyà kwalukila ku dijingulula, ndi ndilekelelakù, ntèka William Branham ku luseke.

²⁴⁴ Mbanganyi bàkaadiku bamòne fòtò uvwabò bakwàte kaaba aka mu Houston èmu? Nènku nudi. . . Ùdi apa. Mmutèèkìibwe kumpàlà eku mpindyewu, nwamònu's. N'Cilemblèle buludi ku luseke eku, lwà pankaci pàànyì nè mukàji awu, mpindyewu mene. Ki Cyôci aci, munkaci mwà kubwelakana cyènda cinyùnguluka. Mukàji awu yèyè muswè kucifidila bujaadiki; mmumanyè, mu tusùnsukilà twà kasunsa tukesè twà ndekeelu etu, kùdi cintu kampàndà cyenzè bu njiyà kampàndà yà kalolo menemene. [Mwanèètù wa bakàji awu ùdi wàmba nè: "Èyowà."—Muf.] Aci ní ncyà bushùwà, elà cianza cyèbè muulu. ["Amen. Amen."] Nwamònu anyi? Ndi munkaci mwà kuCitàngile buludi. Nwamònu's, mbyènzè ànu bu kwikala musòmbele mu cipaapu cìkwàbò. Ndi nCitàngidila, ku mukàji awu.

²⁴⁵ Mpindyewu, inàbànzà awu, cintu cìmwèpelè, yèyè mmubindùlùke bikolè byà menemene. Nènku's ke cyùvwà muswè bwà mèmè kusambidila ncyôci aci. Nènku aci's cidi cilelè cyà mu bufùki mpindyewu mene bwà cikondo cyà mwoyi cyùdi nè mwoyi eci, wenda ukola nùnkù's nè bikwàbò, aci cidi cìkuvwija mubindùlùke.

²⁴⁶ Cìkwàbò cintu, udi nè cintu kampàndà mu luseke lwèbè, cidi—cidi bu tuumpaayà tukesè twà lupeepèlè, mùshindù awu, lungwile mu luseke lwèbè amu. Mpindyewu ncyà bushùwà anyi? [Mwanèètù wa bakàji awu ùdi wàmba nè: "Èyowà's, mukalenge."—Muf.] Elà cianza muulu, pìikalàbi nè. . . ["Aci's—aci's ndíyì dyà kùdi ngàngàbukà."] Nwamònu anyi?

²⁴⁷ Mpindyewu, nwamònu's, mpindyewu s'ki cyôci aci cyàkàbidi, muntu kampàndà wàmba nè: "Mmubùke." Wèwè, mèmè nèmbiikilè ní nganyì awu, òmwè dyà ku matùkù

àdi panshi aa, nwamònu's. Kwènjikù nànkù to. Kwèna mwà kudisokokakù mpindyewu to, vùlukàayi, nwamònu's. Dìyì adi—adi, Dìdì apa, Dyòdì diinè. Kí mmémè to, mulundà wanyì; mèmè ndi ànu mwanèènu wa balùme. Kàdi Dìyì dìdì kaaba aka.

²⁴⁸ Mòna, yèyè's mmuntu mwímpè, twánjì tùmónààyìbì ní ndi mubùke cyòci aci. Mpindyewu ncyèna mumanyè cìmvwà mwambè to. Necìkalè nè cyà kupàtukila mu mukàbà wà mèyì awu kumpàla kwà mèmè kucimanya. Mpindyewu anjì indìla kakesè. Èyowà. Èyowà, yèyè—yèyè ùdi mubìndùlùke, ke cyòci cìdì cilela kùdì cì—cikondo, bidimu byèndè nè bikwàbò. Yèyè ùdi . . .

²⁴⁹ Nènkù pashìishe, cikwàbò cintu, udi mupicìle ku—ku dipandiibwa. [Mwanèètù wa bakàjì awu ùdi wàmba nè: “Èyowà's, mukalenge, ndi mupete.”—Muf.] Kàdi aci cìvwa lutàtù lwà bakàjì, kùkaadi cikondo. Ncyà bushùwà. Aci's ncikubìndùlùle bikolè kutàmba nè byà kwònsò eku. Ncyà bushùwà, kì mmwòmò anyì? [“Èyowà's, mukalenge, mmwòmò.”] Uh-huh, ncyà bushùwà. Nènkù aci ncikubìndùlùle, bwalu, mu cikondo cyà mwoyi eci, cìdì cikubìndulula bikolè. Mpindyewu, udi wela meeji nè ndi ncìbùka anyì? [“To.”]

²⁵⁰ Cìkwàbò cintu ncyèci. Kùdì mwànà wa—wa bakàjì neebè, mwànà wa bakàjì mutekète. Nè ùdi mwab'ewu, nè ùdi ùsaama tupondu. [Mwanèètù wa bakàjì awu ùdi wàmba nè: “Èyowà. Amen.”—Muf.] Ncyà bushùwà anyì? Musòmbe mwaba awu. Nènkù kùdì mukàjì kampàndà, mukàjì mukwàbò, mulundà webè, nènkù ùdì nè dicincimikiibwa dyà mu meeji [“Èyowà.”], byenzè bu mubìndùlùke nè pashìishe meeji à mu mutù. Ncyà bushùwà anyì? [“Àlèluuyàh!”] Mpindyewu paùdì walukila, tèeka mùshwàlà awu pambidi pààbò; tupondo atu netùùmukè nè yèyè neàtùcìmùnè, nè neùsangalè. Ndàaku, mwikàle wìtabuuja Dìnà dyà Mukalenge Yesù.

²⁵¹ Nudi nwìtabuuja anyì? Cìvwa n'Yesù makèèlèlè, cìdì n'Yesù leelù ewu! Bikèngela ùmanyè nè m'Muntu kampàndà, nwamònu's. Èyowà. Ùdì nè cyà kwikala Muntu kampàndà. Mpindyewu, mwaba awu, tàngilàayi, aci cìvwa paanyimà pàanyi. Nwamònu anyì? Nwamònu anyì? Kí...Ncyèna mufwànyine kwenza aci to. Nudi—nudi bamanyè nè cìdì nè cyà kwikala Bukolè kampàndà, kì mmwòmò anyì? Nudi nwìtabuuja nè m'Mukalenge Yesù, bilondèshile mulayi Wèndè anyì? Mukalenge ànùbènèshè.

²⁵² Wetwàwu, inàbànzà! Ndi pàanyi, mwenyi kùdì. Ncyèna mukumanyè to. Kacya bàndela ncìtu mwánjì kukumònakù to. Tudi beenyi. Ewu mmusangu wètù wà kumpàla wà ditwìlangana, bwà ku dyànyì pàanyi dimanya. Kàdi mpindyewu bu Mukalenge Yesù mwà kungambila cintu kampàndà cìdì cìkutàngila wèwè mwinè, cintu kampàndà bu inàbànzà wàwa, cyònsò cìvwàku aci, udikù mufwànyine kwìtabuuja nè cìvwa

m'Mukalenge Yesù pamutù pàà... Kí ncifwànyine kwikala mèmè to, udi mumanyè's. Nènku mpindyewu, bu Bafaalèsà amu, nudi mwà kwamba nè: "M'Beelèzèbùlà, nyumà mubi."

253 Nènku bwalu bàakamba Nyumà wa Nzambì, uvwa wenza mudimu awu munda Mwèndè awu, nè ùvwa "nyumà mubi," cìvwa ncipendu kùdi Nyumà Mwîmpè, cìikala kacìyiku mwà kufwidiibwa luse to pààlwà Cyôci eci mu ditùkù edi. Ke bwà cinyi ditunga edi didi dîpicila ku cilumbulwidi leelù ewu. Kí nkushààle cintu nànsha cimwè bwàdi dyôdi to ànu cilumbulwidi. Ndyùlè tètè nè baa Jack Rubys, nè bikwàbò, nànkù kakwèna mwà kwikala cintu kampàndà cikwàbò cyàdyènzekela to pa kuumusha cilumbulwidi.

254 Mpindyewu udi usaama. Uvwa muyè kùdi ngàngàbukà kampàndà. Yèyè mmufwànyine bulelèlè kukufùndila dipanda. Dipanda adi mpa dila dinène. Aci's ncilelèlè, kí mmwômò anyi? [Mwanèètù wa bakàjì awu ùdi wamba nè: "Amen."—Muf.]

255 Cikwàbò cintu ncyôci eci. Udi nè dishiikila dyônso mwikàle nè dijinga kampàndà dyà nyumà... Kwèna udyùmvwa bîmpè to. Udi mwenzè bu mulalùke, ndambù, nè muswè kwalukila. Èè, udi mwàlukile mpindyewu. Mpindyewu ndàaku, mwikàle witabuuja nè mwoyi wèbè wônso, nènku neüsangalè, mu Dîna dyà Yesù Kilistò. Mpèkaatù yèbè mmikufwidiibwe luse. Mpindyewu ndàaku, mwikàle witabuuja.

256 Mpindyewu, mèmè ncyàkambakù nè: "mpèkaatù mifwidiibwe luse" to. Yèyè ngudi mwambè nànkù. Nwamònu's, kàvwa mmèmè to. Ùvwa n'Yèyè, nwamònu's.

257 Nudi nwitabuuja anyi? Mpindyewu bìvwa bikèngela bwà aci kwenzacì nè nwènu bakwàbò nùmanyè ànu nè n'Yèyè udi kaaba aka. Kí mmwômò anyi? Bu wèwè ànu mwà kwitabuuja's! Ikàlà wèwè ànu nè diitabuuja. Kwèdi mpatà to. Ikàlà nè kaneemu nè itàbùùja Nzambì. Mpindyewu, nwamònu's, nudi mu Bwikadi Bwèndè.

258 Mpindyewu, piikalà bùmwe bwà ku majinguludi aa bwà kafikisha Mwànà wa Nzambì ku dyamba nè: "bukolè mbupàtùke," nudi nwela meeji nè ncifwànyine kungenzela mèmè ewu cinyi, ngènzàmpèkàatù musùngila ku ngàsà Wèndè? Nwamònu anyi? Ncifwànyine kwikala, nudi bamanyè cìdici cìfwànyine kwikala's.

259 Anjì indilà kakesè, kí mmukàjì awu to. Ambà tǔng, wèwè wáfumu ku dyondopiibwa ewu, mwaba awu, inàbànzà, udi walukila ku nkwasà wèbè awu, ntàngilèku ànu bwà katanci kakesè cyanààna. Kùdi mu—muntu musòmbe ànu mumpàlà mwèbè amu, udi nè disaamà dyà mutù wà kapàla, musòmbe ànu mwaba awu. Èyowà. Udi witabuuja nè Nzambì neàkusàngàjè anyi? Udi witabuuja anyi? Èyo.

²⁶⁰ Ngambilaaku cyàlengiye. Ncyêna mumanyè muntu awu to, ncitukù mwânji kumumòna to kacya bàndela. Aci ní ncyà bushùwà, nyungishà cyanza cyèbè, patwikalà beenyi muntu nè mukwèndè.

²⁶¹ Mpindyewu, tàngilàayi, bwà nwamòna mwà kumanya cintu kampàndà cìkwàbò. Mukàjèndè mmusòmbe ku luseke lwèndè aku, udi witabuuja nè Nzambi ùdi mwà kungambila cidi cìmutàcisha anyi? Newitabuuje nè mèmè ndi muprófeta Wendè, anyi musadidi Wendè anyi? Newitabuuje anyi?

²⁶² Ùdi nè cimpumpu cìkolè. Aci ní ncyà bushùwà, elà cyanza cyèbè muulu, inàbànzà. Èyo. Mpindyewu bu nwènù bònsò bàbìdì mwà kwitabuuja! Nudi balengè Cintu kampàndà. Itàbùùjaayi mpindyewu, nè necìnuumùke.

²⁶³ Nudi nwitabuuja Nzambi anyi? Kanwèdi mpatà to. Ikàlaayi nè diitabuuja mu Nzambi.

²⁶⁴ Muntu mulùme nyèyè ewu. Kacya ncitukù mwânji kumòna muntu ewu to. Yèyè mwànà mutekète bikolè kùndi, nè ncitukù mwânji kumumòna kwònsò eku to. Patwikalà beenyi, mukalenge, muntu nè mukwèndè, elà byanza byèbè muulu. Èyo. Ncitukù mwânji kumumòna to.

²⁶⁵ Mpindyewu twàngatàayi cimfwànyì, mu Bible, twàngatàayi pàvwà...pàakatwilanganà Yesù nè Simonà Peetèlò apu. Ndi mufwànyine kudifwànyikijila yèyè bu muntu wa mvùla yipacila bùngi kampàndà, nsuki yèndè mibangè kukèèpela, pàakatwilanganà nendè Yesù. Mpindyewu tàngilàayi. Wàkaakula nendè.

²⁶⁶ Mpindyewu, mèmè nciyì mumanyè muntu awu to, ncitukù mwânji kumumòna to, twètù bònsò bàbìdì nè byanza byètù byela muulu, tudi beenyi ànu bàà menemene muntu nè mukwèndè. Mpindyewu, bakwàbò abu bàvwa mbakàji, tùmònaàiyibì bwà muntu mulùme ewu.

²⁶⁷ Mpindyewu tàngilà kùndi, bwà katanci kakesè cyanààna, bu mwanèènù wa balùme. Nènku mpindyewu bu Mukalenge mwà kwamba cintu kampàndà cyùdi mwenzè, anyi cintu kampàndà cìvwà cìkèngela bwà wèwè kwikala mwenzè, anyi byùvwà kuyi nè cyà kwikala mwenzè, anyi ní ncinyi cyònsò, neumanyè nè mbulelèlèlè anyi kì mbwòbù. Udi mufwànyine kumanya. Nè pashìishe bu Yèyè mwà kukwambila cidi cìkutàcisha, anyi cintu kampàndà cidi mu meeji èbè, cidi bubèèdì bwèbè, anyi—anyi cintu kampàndà cyà mùshindù awu, kukwambila cintu kampàndà ciwikalà—ciwikalà mwà kumanya nè mbulelèlèlè anyi kì mbwòbù. Dìbà adi bu Yèyè mwà kukwambila cìvwàku, nè wèwè kumanya nè ncilelèlèlè anyi kì ncilelèlèlè; Yèyè mukwambile cikalàku, dìbà adi udi umanya nè cidi nè cyà kwikala cilelèlèlè.

²⁶⁸ Mpindyewu aci ncifwànyìnekù kwenzeja bantu bònsò mwab'ewu... Ndi ngàngata ànu dìbà dyànyì nè muntu mulùme ewu, bwà kuyiikila nendè. Ewu ke wa kumpàlà.

269 Mpindyewu tàngilàayi mu nùnkù ewu, katançi kakesè cyanààna, patùdi twakula apa. Mukalenge àngambùlwishèku mpindyewu. Nè udi witabuuja nè cidi Bible wàmba ncilelèlà anyi? [Mwanèètù wa balùme awu ùdi wàmba nè: “Èyowà’s, mukalenge.”—Muf.]

270 Udi witabuuja nè edi ndíba didi Yesù nè cyà kulwa; bwà nè Èkèleeziyà muumùkile mu dibingishiibwa, dijidiibwa, dibàtiiza dyà Nyumà Mwimpè, ànu mùdi cipaapu cyà musàkà aci cilwà mùshindù awu anyi? Nènku mpindyewu dibwe dyà mùsongà nedìikale dipwàngàne menemene mu mùshindù wà nè, pààlwà Dibwe dyà mùsongà, bikèngela dinwànganè bimpè menemene naadi. Mudimu wà bwambi ùdi nè cyà kutwàdija mùshindù *ewu*, nè ùfika too nè ku banyàabanyà díbà dyònsò, wènda ùshààla tusumbu tutàmbe bukesè, nè kasumbu katàmbe bukesè, too nè mùdi ndekeelu wa byònsò Dibwe dituutakeena nè nzùbu awu. Yèyè ùdi Dibwe dyà mùsongà, wàngata nzùbu mujimà pàmwè Nendè, udi Èkèleeziyà awu. Bònsò bwàbò nebàjuuke, kuumukila ànu ku cilù cyà kumpàlà eci, too nè ku cyà mwandamutekète, nè bònsò bàya mu Dyambwibwa. Cyònsò cyà ku byòbi civwa nè dyàci ditùkù dicilongòlwèla, nè bàvwa nè balongolodi bààbò nè bajuudi bàà ntèndeleelelu, nè bikwàbò, byònsò too nè ku ndekeelu. Nènku ditùkù dyà ndekeelu edi, ncibwelè cyàkàbidi mu mukankù, cidi cyalùkile mu cikondo cyà cipròfètà, bwà kusangisha cyòci eci pàmwè.

271 Udi witabuuja aci anyi, Díyi nè Dibwe, dílwalwà Adi? [Mwanèètù wa balùme awu ùdi wàmba nè: “Ndi ngiitabuuja.”—Muf.] Udi nè njiyà mimpè menemene kùdi, mukalenge.

272 Mpindyewu, lutàtù lwèbè lùdi cinyi, udi mupetè njìwù. Mu yòyi njìwù amu, uvwa mupwìdijìibwe nè gaze wa mulùngu mukolè. Ncyà bushùwà. Byòbi kukulùnga. Bivwa bikulùnge munda mwà mucimà wèbè, nè wàkapeta naawù lutàtu. Uvwa nè lutàtu nè cìfù cyèbè. Uvwa nè lutàtù nè mwoyi wèbè. [“Cyà bushùwà.”] Nènku ncikufikishe ku dibinduluka mu mùshindù wà nè udi mudìbàkile meeji à cyena bundù. Udi mupèlè, udi nè cyà kwalukila ku mudimu. Kàdi udi nè bwòwà bwà kwalukila ku mudimu, udi nè bwòwà bwà gaze wa mulùngu mukolè awu. Kàdi kakwàkwikala bwalu to. Mpindyewu, vùlukà nè, bu—bu Yesù Kilistò mwà kungambila nè wèwè udi nganyì, newikalè. . . Mpindyewu bintu abi bivwa bilelèlà, kí mmwòmò anyi? Bu Yèyè mwà kungambila nè wèwè udi nganyì, nèuciitabè nè kumanya, nè kutùngunuka kwalukila nè kwikala nè bukitù anyi? Newènzè nànkù anyi? Dìna dyèbè m’Mukalenge Wagner. Tùngunuka alùkìlà, mu njila webè.

273 Udi witabuuja mpindyewu anyi? Nè mwoyi wèbè wònsò, udi witabuuja anyi? “Bu wèwè mwà kwitabuuja, bintu byònsò bìdi. . . Bintu byònsò bìdi mwà kwenzeka bwà aba bàdi bìitabuuja.”

274 Mpindyewu udi witabuuja nè Nzambi neàkwondòpè disaamà dyà bânà bakàji adi anyi? Mpindyewu tũngunukà wêwê ànu nè kuya usambuka pa cibũmbà cyà ku cyambilu apu wamba . . . ? . . . Amen. Wamònu anyi? Nzambi àkubènèshè.

275 Mpindyewu, inăbânzà, paùdi ubiika mu dindà, udi muumākāne, mbikukolēle bwà kutentemuka kwendakana, binyōka. Kàdi udi witabuuja nè Nzambi ùdi wòndopa binyōka anyi? [Mwanèètù wa bakàji ùdi wamba nè: “Èyowà.”—Muf.] Èyo, kwàta njila ndàaku, wamba nè: “Twasàkidila, Mukalenge.” [“Kàdi mēmè—mēmè ncivwa . . . Bìdi bikèngela dyondopiibwa bwà mijilu yà mutù.”] Èyo, mukalenge, ke cyàkalelà binyōka byèbè aci, wamònu’s, cívwa mmijilu yèbè ayi. “Bu wêwê mwà kwitabuuja, bintu byònsò bìdi mwà kwenzeka,” kàdi dyàmbedi bikèngela ùcītàbùùjè.

276 Udi wela meeji kaayi, mukalenge? Udi witabuuja nè mwoyi wèbè wònsò anyi? Udi witabuuja nè Nzambi ùdi wòndopa disaamà dyà mwoyi nè ùkusàngaja anyi? [Mwanèètù wa balũme awu ùdi wamba nè: “Bushùwà’s, ndi ngiitabuuja!”—Muf.] Èyo, kwàta njila ndàaku, wambè nè: “Twasàkidila, Mukalenge Yesù.”

277 Mpindyewu, inăbânzà, udi mubwikila kùdi mundidimbi, mbwena kwamba nè kànsèrè. Udi witabuuja nè Nzambi neòndopè kànsèrè anyi? [Mwanèètù wa bakàji awu ùdi wamba nè: “Èyowà.”—Muf.] Èyo, cītàbè nè tũngunuka nè njila, wenda wamba nè: “Twasàkidila, Nzambi Munanga,” kàdi itàbùùjà nè mwoyi wèbè wònsò.

278 Nzambi ùdi mwà kwondopa disaamà dyà cifù, anyi cintu cikwàbò kanà cyònsò. Udi witabuuja nànkũ anyi? [Mwanèètù wa bakàji awu ùdi wamba nè: “Èyowà’s, mukalenge.”—Muf.] Èyo, kwàta njila ndàaku, nè cyònkòmokà, wamba nè: “Twasàkidila, Mukalenge Yesù.”

279 Udi witabuuja nè Nzambi neàkwondòpè disaamà dyèbè dyà bânà bakàji adi, dizòloloka adi anyi? Èyo, kwàta njila ndàaku, wamba nè: “Mukalenge àtumbè.” Itàbùùjà nè mwoyi wèbè wònsò.

280 Udi witabuuja nè Nzambi ùdi wòndopa mutù wà kapàla nè mfwènke, nè bintàkanyì byònsò ebi, nè kukusàngaja anyi? Kwàta njila ndàaku, wenda ucyònkòmokà, wamba nè: “Twasàkidila, Nzambi munanga.”

281 Kàdi bu nè ncivwa mukwămbile bwalu nànsha bùmwe to, mukutentēkele ànu byanza cyanààna, udi mufwànyine kuciitabuuja anyi? Mu Dîna dyà Mukalenge Yesù, òndòpiibwà. Itàbùùjà nè mwoyi wèbè wònsò.

282 Lwākù, inăbânzà. Udi witabuuja nè mwoyi wèbè wònsò anyi? Disaamà dyà dijika dyà mashi nè disaamà dyà mwoyi, udi witabuuja nè Nzambi neàkusàngaje anyi? Wêwê witabuuja, kwàta njila ndàaku, wamba nè: “Twasàkidila, Mukalenge Yesù,” nè ùsàngale.

283 Èyo, mukalenge. Lwâkù, inăbànza. Udi witabuuja nè Nzambi ùtu wòndopa disaamà dyà nsùkaadi nè ùsàngaja bantu bàdì nè disaamà dyà nsùkaadi anyi? [Mwanèètù wa bakàjì ùdì wamba nè: “Èyowà.”—Muf.] Nànkù t̀ngunukà nè njila webè, wamba nè: “Twasàkidila.” Itàbùùja nè mwoyi webè wònsò, wamònu’s.

284 Nzambi ùtu wòndopa dibìnduluka nè disaamà dyà cìfù, kàbìdì. Udi witabuuja nè Yèyè ùdì ùkusàngaja anyi? Kwàta njila ndàaku, wenda ucyònkomoka. Dyàku cyàkudyà cyèbè cyà dilòòlò, nè ikàlà nè bukitù bwimpè.

285 Lwâkù. Cìfù cìdì cìkubìndulula, wèwè pèèbè. Udi witabuuja nè Nzambi neàkusàngàjè anyi? [Mwanèètù wa bakàjì awu ùdì wamba nè: “Èyowà’s, mukalenge.”—Muf.] Kwàta njila ndaaku, ùdye, ùsangale. Itàbùùja nè mwoyi webè wònsò.

286 Udi nè disaamà dikesè dyà mwoyi ùkùma ùtùpika, kàdì udi kàbìdì ànu cintu cyènzè bu disaamà dyà binyòka. Udi witabuuja Nzambi, nè Nzambi neàkusàngàjè anyi? [Mwanèètù wa bakàjì ùdì wamba nè: “Èyowà, ndi ngiitabuuja.”—Muf.] Kwàta njila ndàaku, cyònkòmokà, wambè nè: “Twasàkidila, Mukalenge.”

287 Dibìnduluka dyà cìfù d̀lela kùdì byujà byà kupanga kuvinga byà mu cìfù nè bikwàbò. Udi witabuuja nè Nzambi neàkusàngàjè nè neàkwondòpè anyi? [Mwanèètù wa bakàjì awu ùdì wamba nè: “Ndi ngiitabuuja.”—Muf.] Kwàta njila ndàaku, wamba nè: “Twasàkidila, Mukalenge,” nènku ùsangalè.

288 Udi nè bintu byàb̀ngì, disaamà dyà b̀nà bakàjì. Cìmwè cyà ku bintu byèbè binene ndutàtù lwà mwoyi, lwàb̀ngì lunỳng̀l̀kile mwoyi webè. Udi witabuuja nè Nzambi neàkusàngàjè anyi? Kwàta njila ndàaku, cyònkòmokà, wambè nè: “Twasàkidila, Mukalenge.”

289 Udi witabuuja nè Nzambi ùdì wòndopa binyòka anyi? [Mwanèètù wa bakàjì awu ùdì wamba nè: “Èyowà’s, mukalenge.”—Muf.] T̀ngùnuka wèwè ànu nè kuya, nè binyòka byèbè abi nebìye.

290 Nudi nwitabuuja nè mwoyi wènù wònsò anyi? Nwamònu anyi? Ncyà bushùwà nè. . .

291 Mpindyewu bàmwè bàà kunùdì mu batèèleji amu. Mpindyewu ikàlaayi nè kaneemu. Ikàlaayi mu kaneemu kakolè, sòmbaayi ànu t̀l̀l̀l̀l̀l̀, itàbùùjaayi nè mwoyi wènù wònsò mpindyewu. Tàngilàayi mu ǹnkù, itàbùùjaayi nè mwoyi wènù wònsò, bàmwè bàà kunùdì aku biikalà kabayi mu mulongo wà babèèdì abu.

292 Mwànà mukesè wa balùme udi musòmbe apa ewu, kakwàcikwètù kàà matàma kàdì kasòmbe mwaba wàwa nàka. Kanwènaayikù numòna Bukènkè abu kumutù kwèndè anyi? Mwànà mukesè awu ùdì ùsaama disaamà dyà twonyi. Udi witabuuja nè Nzambi neòndopè disaamà dyà twonyi adi

anyì, wêwè mwânàànyì wa balùme? Udi ucìitabuuja anyì? Èyo, juukilà kuulu wámbe nè: “Ndi ncìitabuuja nè ncìitaba.” Èyowà. Nzambi àkubènéshè. Túngunukà nè webè. . .

293 Udi witabuuja nè mwoyi wèbè wónsò anyì? “Bu wêwè mwà kwitabuuja, bintu byónsò bìdi mwà kwenzeka.”

294 Ambàbi tǔng bwèbè wêwè wáfumu ku disòmba panshì awu, udi mulwè nè mwânà mukesè wa balùme nè musòmbe panshì? Udi witabuuja nè, disaamà dyà mèsù adi, Nzambi neòndopè lutàtù lwèbè lwà mèsù alu nè neàkusàngàjè anyì? Udi witabuuja anyì? Èyo, udi mwà kupeta dyondopiibwa dyèbè, wêwè pèèbè. Èyo. Wêwè ùdi ufuma ku disòmba ànu mu cikondo cijaalàme. Amen. Nda mutàngile kumpàlà. Abi’s mbímpè. Abi’s mbímpè. Èyo. Amen. Èyo.

295 Inǎbànzà udi ku luseke lwèbè awu, ùdi nè lutàtù nè mutù wèndè. Udi witabuuja nè Nzambi neòndopè disaamà dyèbè dyà mutù adi anyì, inǎbànzà? [Mwanèètù wa bakàji awu ùdi wàmba nè: “Ndi ngìitabuuja.”—Muf.] Èyo. Mwanèèbè mukesè wa bakàji wàwa ùdi ùsaama disaamà dyà mutù. Ncyà bushùwà, kǐ mmwómò anyì? Mutentèkèle cyanza cyèbè aci, nè itàbùùjà, nènku yèyè neàsangalè, yèyè pèndè. Udi witabuuja nànkù anyì?

296 Inǎbànzà udi ulonda udi musòmbe ku luseke lwèndè ewu, ùdi munkaci mwà kusambila, ànu ku luseke lwèndè menemene aku. Ùdi ùsambila mwaba awu bwà dǐkù dicibùlùke. Ncyà bushùwà anyì, inǎbànzà? Elà cyanza muulu. Itàbùùjà, nè dǐkù dyèbè nedyàlujuludiibwè cyàkàbìdi. Ikàlà nè diitabuuja.

297 Inabànzà udi musòmbe ku luseke lwèndè awu ùdi nè cyùjà. Udi witabuuja nè Nzambi neòndopè cyùjà aci anyì, inǎbànzà? Elà cyanza muulu, ùcìtàbè.

298 Inǎbànzà udi musòmbe ku luseke lwèndè awu ùdi nè lutàtù pa muminu. Udi witabuuja nè Nzambi neàkwondopè muminu wèbè awu anyì, inǎbànzà? Elà cyanza muulu.

299 Mbwalu kaayì ebu neenù’s? Kanwènaayikù numòna nè Yesù Kilistò. . . Tujuukilàayi kuulu. Juukàayi kuulu bwà kwitaba Yesù bu mwondopi wenù.

300 Èyi Mwânà wa mùkòòkò wà Nzambi, mu Dìna dyà Yesù Kilistò, ondòpàku muntu yónsò kaaba aka, bwà butùmbi Bwèbè.



64-0305 Musùminyine
Soul's Harbor Temple
Dallas, Texas États-Unis

CILUBA

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Dîyî dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwê anyi bwa kupeeshangana, kabiya bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lùntàndalà, kulamiibwa mu cikàlwilà, kukudimunyiibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyî wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org